

Brigowates ex dono m^{ris} Rich: Hyllyn

REVERENDI PATRIS
EMANVELIS THESAVRI
E SOCIETATE IESV,
CÆSARES;
Et ejusdem varia carmina:

Quibus accesserunt
Nobilissimorum ORIENTIS
& OCCIDENTIS
Pontificum elogia, &
varia opera Poëtica.

Editio secunda emendatior, cum auctariolo.



OXONII
Excudebat L. LICHFIELD Impensis
GULIELMI WEBB Bibliopela.
M. DC. XXXVII.

1872

REVEREND

1991 JAN 11 003 2

3

[illegible]

100


100

11010

Guinness & Co. Ltd.

W. DC. XXXVII

1940



In honorem Illustriss. D. D. Verulamii, Vi-
cecomitis S^{ti} ALBANI, Mag. Sigilli
Custodis, post editam ab eo
Instaurationem Magnam.

Q Vis iste tandem? non enim vultu ambulat
Quotidiano! Nescis ignare? Audies?
Dux Notionum; veritatis Pontifex;
Inductionis Dominus, & Verulamii;
Rerum magister unicus, at non Artium;
Profunditatis pinus, atq; Elegantix;
Naturæ Aruspex intimus; Philosophiæ
Ærarium; sequester experientiæ,
Speculationisque; Æquitatis signifer;
Scientiarum, sub pupillari statu
Degentium olim, Emancipator; Luminis
Promus; Fugator Idolū, atque nubium;
Collega solis; Quadra Certitudinis;
Sophismatum Matrix; Brutus Literarius,
Authoritatis exuens tyrannidem;
Rationis & sensus stupendus Arbiter;
Repumicator mentis; Atlas Physicus
Alcide succumbente Stagiritico;
Columba Noæ, quæ in vetustis artibus
Nullum locum requiémve cernens, præstitit
Ad se, suamq; matris Arcam regredi:
Subtilitatis Terebra; Temporis Nepos
Ex veritate matre; Mellis alveus;
Mundi; & Animarum sacerdos unicus;

Securis errorum; Inque Naturalibus
Granum Sinapis, Acre Aliis, Crescens sibi.
O me probè lassum Iuvate Posterì!

G. HERBERT Orat. Pub. in
Acad. Cantab.



Epigraphe GUSTAVI ADOLPHI.

Siste viator,
Nec desponde animum,
Vt nequicquam speres,
Ni mori speres;
Vix est quod metuas,
Ni vivere metuas.
Fato cessit vitæ Mortisq; arbiter summus,
Proximum cœlitibus Nomen.
Quin illud exigis?
Dabo;
Sed ut lites Lachrymas
Regi Potentiss. Pientiss.
GVsta Vo
QVo seXto noVeMbrIs
NeCI Dato
Tota Europæ facies mutata est,
In planctum solatis Humaniss. quibuscunque.
Quin Majora postulas?
Accipe;
Ille, qui Dissidia Publica pace terminare,
Pacem bonis Artibus excolere;

Ille

Ille, qui oppressos in suum jus asserere,
Assertos libertate donare,
Libertatem, securam reddere,
Aggressus est,
Proh dolor! Interiit.
Sed ut summum arduæ virtutis audiat.
Nullus quippe post homines natos
Bono publico
Potiora intentavit,
Graviora passus est.
Abi jam, si licet, in rem tuam.

DAN. HEINSIUS.



CÆSARIS ELOGIUM.

C. IVLIVS CÆSAR

Lucii Cæsaris F. lux Cæsarum & Pater,
Romanus Alexander, Terræ Mars:
Omnibus tam metuendus, quam in mitis;
Pretium fecit servituti.

Victo orbe Urbem victricem orbis vicit.
Defuere illi hostes, hostem habuit Patriam,
Ne deesset unquam quod vinceret.

Ingratam Patriam patriis armis punit.
Eam vicit invictus, quâ vixit invitâ.

Qui Romæ propugnator non regnavit, regnavit ex-
pugnator:

Pro Roma triumpharat, de Roma triumphavit:
Amavit tamen inimicam, nolenti profuit.

Sæpe à fulmine lauro servatus regiâ,
Quem inermem timuerunt arma, armata necavit toga:
Cessit Civibus Cæsar Cæsus:

Serò cognitum luxit Patria,
Viventem hostem, mortuum vocavit Patrem,
Parricidium confessa cùm patrem dixit.

Disce lector.

*Melius sæpe quæ non habes vides, quam
quæ habes.*

C

CÆSAR



C Æ S A R

Per mare innatans commentari-
os gerit.

Horrída felici rumpit freta pectore Caesar,
Librū lava regit, dextra flagellat aquas:
Dum mare Casarea formidat verbera dextra,
Currit inoffenso tuta sinistra libro:
Dextera fitremus, navis tua corpora, Caesar,
Vela chlamys, malus lava, volumen opes.
Ibitis illaesa metuenda per aquora merces,
Nam fraga non poterit tanta perire ratis.



C Æ S A R

Scribit suos commentarios.

Qua modò fulmineum vibrabat dextera
ferrum,
Pacatos calamos sanguinolenta regit.
Scribit dextra eadē calamo, quæ gesserat ense,
Hoste vetustatem deficiente ferit.
Nulla tua, Caesar, celebrata gloria dextra,
Aut ferro, aut calamo si caruisset, erat.

C Æ



C Æ S A R

Contra Iubam pugnaturus
Augurium spernit.

Effugit attonito sacris data Victima Vate,
Nudâque delusis linquitur Ara focus.
Impavidus metuenda videt præsagia Caesar,
Captaq; neglectis promovet arma sacris.
Fortunam sed enim, vel sese consulit unum,
Non capit à profugo præscia fata Bove.



C Æ S A R E M O R T V O

Sidus novum apparet.

Sidereum repetit, cui se subduxerat, Axem,
Et quæ celârat lumina, Caesar habet.
Impia secretum manifestant vulnera Numes,
Stellaque per lacerum libera corpus abit.
Transtulit imperiû Cælo dum linqueret Orbem,
Par erat ut victo vinceret Orbe Polum,
Iam conjurata prodest injuria dextra,
Magnum, quem voluit perdere, Roma facit.



AVGVSTI ELOGIVM.
D. AVGVSTVS OCTAV.
CÆSAR.

Patris virtutem contraxit filius Patre major,
Illi corporis forma Imperium promisit, Animus dedit:
Privatus Imperatori similis, Imperator privato fuit.
Doluit Patria cum Principem fecit, gavisâ cû habuit;
Timebat carnificem, medicum experta.
Ad bellum natus, bellum fugavit,
Motus est Orbis illo moto, quievit quieto.
Brevis pugna pacem peperit longam:
Abortum fecit fortuna.
Iani templum solus clausit, Musarum solus aperuit.
Quibusdam non caruit vitiis, vitiorum severus ultor:
Quæ admittere pudebat, committere non puduit:
Hoc tantû se Homine probas, quod in humana incidit.
Qui Deus habebatur inter homines, cæpit homo ha-
beri inter Deos:
Demum Nolæ, volente fato,
Inviçtus viris, victus à Fœmina,
Obiit sol Patriæ oriens ploratus, ploratus cadens.
Disce lector.

*Quo presente expiraturum te putas, fortè
suspirabis, si absit.*



AUGUSTO

Comedenti Aquila panem
rapuit.

D*Vm prādes tibi furtivo Iovis armiger ausu
Ambesas avido diripit ungue dapes.
Ab fove consuevit divisam sumere mensam,
Te similem cernens credidit esse Iovem.*



Dei nomen iniquè assumit.

V*No bina videt miracula tēpore Mūdus,
Cedere Roma Deo prodigiosa negat.
Nam Deus humanos, dū se tenuavit in artus,
Parvus Homo, ingentem se facit iste Deum.
Ille Homo cūm fiat, Divus non desinit esse,
Cūm Deus hic fiat, non sinit esse malus.
Major es ergo Deo, vel nomen fingis iniquum,
Cæsar, non potuit, quod potēs ipse Deus.*



A V G V S T V S

Auditâ Civium clâde caput ad
parietem allidit.

T *Rûca vidēs Populi derisus corpora Caesar,
Aspera semineci marmora fronte petit.
Scilicet ultricem geniali vulnere niti
Pallada conatur: se putat esse Iovem.*



A V G V S T V S

Veneno ab Vxore (ut putatur)
propinato interit.

C *Rudano vercales cōmiscet fœmina succos,
Caesar & in pateris ultima fata bibit.
Pastus vipereis vita fugiente venenis,
Ad lentam properat pallidus ora necem.
Namq̃ hostes rabidi Furiarū ut maxima Regē
Perderet orârunt, perdidit Vxor Anus.*



TIBERII ELOGIVM.
CLAVDII TIBERII
NERONIS

In obscuro atramento clarescant gesta, si possunt:
Hic Liviae F. Augusti Privignus
Matris mores tenuit, non vitrici:
Acuto in pessimis ingenio, obtuso in optimis:
Dexteram fortunam, sinistram virtutem habuit,
Triumphator aliorum saepe, nunquam sui.
Repugnante vitrico, Matre propugnante
Ad Imperium ab exilio venit, in exilium missurus
imperium;
Tam sceptri amans cum non haberet, quam amens
cum habuit.
Sponte se Roma Tyranno tradidit; Tempori serviens,
non Regi.
Cives pressit ut aurum exprimeret.
Simulatione Proteus,
Non unquam magis hostis, quam cum blandus.
Manu hamabat, amabat vultu.
Capreis marcescens Romae aderat
ferro, si non consilio:
Fame nepotes perdidit, suae famae nepos.
A Nepote tandem perditus, obiit:
Huic laetas Populus exequias fecit.
Disce Lector.
Mores non mutat qui gradum mutat.



TIBERIVS

Etiam noctu res objectas
videt.

Accipitérne rapax, metuēdave noctua furtis
Sit Caesar; dubiū est: est tamen alteruter.
Accipiter nil nocte videt, nil Noctua claro
Fusca die: Caesar nocte diēque videt.
Est utrūque igitur: pavida migrate volucres,
Non vobis nox est, non bene tuta dies.



TIBERIVS

Fame occidit nepotes.

Nutrit Amyclēū Romana per antra Leonē,
Nutrit & Hircanē Claudius ora Fera.
Caesarcam lambit saturataq; Vipera dextram,
Humanas capiunt lubrica monstra dapes.
Quæris jejunos cur perdidit ille Nepotes?
Non tantas poterat pascere Roma feras.



TIBERIVS

Dum tonat lauro se cingit.

A Vdit iners, metuit, stridētia fulmina Caesar,
Sulphuream nimbo parturiente facem.
Quasque serenato temnebat sidere frondes,
Adjungit tepidis nube tonante comis.
Errasti: quin te quia cingit Regia laurus,
Regia te Caesar fulmina concutient.



TIBERIVS

Fame perit.

A Bripit expressis quātū petit Urbibus aurū:
At nequit aurivorū solvere dente famē.
Illyriis gravidum suspirat messibus Istrum,
Devorat optatas Caesar, & ardet, opes.
Quicquid Romanā metitur sine lege securi
Flagrat, nec toto frangitur orbe fames.
Desine consulto tua, Caesar, Aruspice fata
Querere: vis dicam? tu moriere fame.

A 5

CA-

(Cs)



CALIGVLÆ ELOGIVM.

CLAVDIVM CÆS.
CALIGVLAM

Ex clade Heroū, ex cede nominis, ex caligine oblivionis
perge vindicare Fama.

Qui in Mortis castris vitam habuit.

Nondū puer, jam Miles, prius gladiū vidit, quā Solē.

Vt Mavors ortus, ut Bacchus vixit;

Fortior infans, quā adultus,

Præposteram habuit ætatem.

Tantum ut Imperium raperet sui ortus memor,

Tiberio vittam cum vitā rapuit,

Ejus sanguine suam chlamydem purpuravit,

Regiam laurum mœluit gladio;

Quamvis laureā contēptā primus aureā coronā gessit,

Aurum Imperii, non laurum amans.

Deus credi voluit,

Humana vitia Deorum commendans nomine.

Immortalitatem affectavit mortalis:

Demum sua morte mortalitatem est fassus,

Nam inter milites ortus inter milites obiit,

A milite vitam accepit, & mortem.

Disce lector.

*Fortis est non qui inter fortes nascitur, sed
qui fortiter vivit.*

CÆ-



CALIGVLA

Nascitur in campo.

Cæsar ut inclusus materno carcere sensit
 Classica, non potuit tedia ferre mora.
 Intempestivo discindit viscera nixu,
 Sanguineamq; petit sanguine tinctus humu.
 Ut clypeo exceptus novit volitantia pila,
 Natalem gemuit se celerâsse diem.
 Crediderat sed enim pateras audire sonantes,
 Deceptum simili se videt esse sono.



CALIGVLA

Primus aureum diadema tulit.

Primus Apollineâ committas fronde metalli
 Cæsar, & auriscro stringis in orbe caput.
 Non sano capiti fragiles per tempora frondes
 Non sat erant, nodo te meliore ligas.

CA-



CALIGVLA

De milite natus à milite
occiditur.

Quæ dederant vitæ Martis feralia Castra,
Eripuit vitæ Militis una manus.
Mars animū dederat, sed cū te, perfide, Baccho
Persimilem vidit, quod dederat repetit.



CALIGVLA

Saturnalibus diebus addidit
Iuvenalem.

Fœmineas Caesar cū fastidire calendas
Cepit, & heroam sinistra perosa manum,
Saturnalitiis Iuvenalia festa diebus
Iunxit, & attonitâ distulit Vrbe Iocos.
Crede, nec ingratus Iuvenalia munera Civis
Accipiet: Dominum non sinet esse senem.

CLAV-



CLAVDII ELOGIVM.
 CLAVD. TIBER.
 CÆSAR

Ante Imperium sine fama fuit, quia latuit.
 In Imperio infamis, quia non latuit;
 Clarius erat, si fuisset obscurior.
 Hic in angulis gladium fugiens sceptrum invenit,
 Quem cæsum volebant Patres, Cæsarē fecit miles.
 Vecors, stupidus,
 Stultus prudentibus, prudens stultis visus.
 Iuris gladium tam periculosè vibravit quàm ignavè:
 Calamo felicius quàm gladio usus.
 Avorum gesta suo calamo testatus,
 Sua gesta nepotum calamis liquit detestanda.
 Triumphavit semel, pugnavit nunquam,
 Timida fortuna (ut Elephas) Victoriā aborta est.
 Honores contempsit carens virtute,
 in hoc tantum justus.
 Censurā Censore dignus, Dominiū sub Domino gessit,
 Liberti libertus, Vxoris servus,
 Omnia in Imperio habuit præter Imperium:
 Vxore unā occisā aliam habuit Vindicem,
 Veneno ab Agrippina sublatus.
 Disce lector.

*Ignaves si per vim extollas, per vim
 deprimes.*

CLAV-



CLAVDIVS

In latebra occultus Imperator sit.

Imperii fugiens lucem latebroso subivit
 Caesar: quàm Princeps maluit esse Fera.
 Consciamẽs sceleris prouum formidat honorẽ,
 Agra manus sceptri pondera ferre nequit.
 Desine Roma Ducem nolentẽ velle; quid urges?
 Non volet is sceptrum ponere, quando voles.



CLAVDIVS

In Imperio vitam inertem
 ducit.

Foemineâ temerata manu regalia Caesar
 Sceptragerẽs, partũ perdidit omne decus.
 Regius illustrat latitantia crimina fulgor,
 Quem toga celabat, prodit aperta Chlamys.
 Obscurat claro in solio sua nomina Caesar,
 Clarior in latebra, si latuisset erat.

CLAV.



CLAVDIVS

Plures aquæductus condit.

CErula Romanas quæ proluit unda ruinas
 Casarco liquidum munere fundit ebur.
 Qui Tiburtinis Anio subductus agellis
 Civis in Ausonias se stupet ire Domos,
 Quique per infracti peregrinus vulnera mōtis
 Transfuga Romulæâ Fucinus urbe fluit,
 Et piger attonitis qui torpet fluctibus amnis
 Caesar cuncta tuæ sunt monumenta manūs.
 Exigit undarum te Principe Roma tributum:
 Terrarūque caput, vult caput esse Maris.



CLAVDIVS

Non exit ad pugnam

Piger, abstrusis te vecors eripe Thermis:
 Iā vocat ampla tuas barbara præda manus:
 Hostibus aucta seges Romanis falcibus anget
 Materiam: tanta sunt tua damna mora.
 Providus Imperii jacturam Claudius horret,
 Imperium in latebris servat, ubi dederat.

NE.



NERONIS ELOGIUM.
NERONIS CLAUDII
CÆSARIS

Aude, calame, vel scribere nomen, vel projicere:

Calamis pungatur, quos gladio acuit.

Hic inter privatos optimus, inter Principes pessimus
fuit:

Regno dignus nisi regnasset.

Depressit illum fortuna dum erexit,

Molles illius mores in duris, indurere in mollitie.

Dum laurum acquisivit Regiâ, palmâ amisit popularē.

Victoriam sceptro terruit:

Regia fascia eò tantū usus, ut malè sanū verticē ligaret:

In quem Imperiū projecit fortuna ut frangeret.

Patriæ Dominus non Princeps fuit.

Domum Augustam fecit, angustam Urbem.

Matris viscera quæsiuit ferro, dubius an ferrea essent.

Cui occisæ Romam fecit Rogum.

Patriam incendit, ut extingueret.

Romæ demum vitam reddit cum suam projecit:

Qui Nero fuit aliis, sibi non defuit Nero,

Injustus aliis Iudex, justus sibi.

Alienū sanguinē quem biberat per sua vulnera regeffit.

Defuit extincto rogus.

Ignis avara fuit Roma, quæ tantū ignem acceperat.

Disce lector.

*Dedignatur terra tegere, qui terram
dedignatur tangere.*

NE.



N E R O

Inflamat Urbem.

O Rbē, Roma, novū metuenda potētia Regū
 Tefacit, ipse tuas invidet Orbis opes.
 Trāquillas Genitor dederat tibi Romulus auras
 Saxeae telluris Viscera Tarquinius;
 Claudius abstrusis vexit tibi ductibus Vndas,
 Ignea ne defint fert elementa Nero.



N E R O

Dum ardet Roma, Cythara
 canit.

Nō patriae Caesar lachrymis, nō igne movetur,
 Amittunt vires ignis, & unda suas.
 Dum videt ambustū Patriae fumare cadaver
 Exequias hilari solvit honore lyrae:
 Vincere Thebani tentat miracula fabri,
 Condidit ille urbem, destruit iste lyrā.

D

NE



NERO

Matris ventrem lacerat.

Matris ab infractoprodit fera lubrica vêtre,
 Atque oritur Licetor filia quæ latuit.
 Non oblita sui Romana est Vipera moris,
 Quos oriens nequirit, frangit adulta sinus.
 Frangere nō poterat tã ferrea viscera nascens,
 Fregit cū potuit ferrea facta manus.



NERO

Seipsum occidit.

Vivere Nestoreos mernisti Claudius annos,
 Nō nisi cū lachrymis te tua Roma vocat.
 Tigris erat qui te feruit: petat ergo scelestus
 Tartara: Caucaſeam viscere pascat avem.
 Cursibus aternis illum Rota versa fatiget,
 Tantūleam nequeat solvere fonte sitim.
 Non Nero (vaticinor) saltem morieris inultus:
 Ille tuo, qui te conficit, ense cadet.

GAL



GALBAE ELOGIVM.

SERGIVS SVLPITIVS
GALBA

Elogia qualialibebat audivit Vivus:

Qualia licet mortuus audiat.

Veritas posthuma Patrem non timet.

Pasiphaës filius credi voluit, non Achaïæ: credatur,

Non nisi ex Pasiphaë fluxit Minotaurus.

Ab Sulpiciis degener, suppliciis genitus.

Neroni suffectus est Nero.

Non tyrannum amisit Roma, sed mutavit.

Fero Iuveni senex furens successit, Immaturo putris.

Auri Scylla, gemmarum magnes.

Fortunæ simulacrum coluit, à fortuna delusus:

Tam fortunæ quam aliis onerosus.

Tribus libertis regendum sceptrum dedit;

Ne pauciores Româ, quàm Avernû affligerent furia,

Durus aliis, sibi mollis

Timorem exegit, odium elicuit;

Tam timore dignus quàm odio.

Milites ad alienum sanguinem alliciens, ad suû allicuit

Dum fictis armis mortem provocat,

Veris necatur.

Disce lector.


Mortem non spernant qui mori timent.



G A L B Æ

Ad pedes Victima sacrifi-
canda fugit.

T *Aurus adoratas fuerat moriturus ad aras,
Senserat & dubia vulnera certa nocis.
At fugit, & sacro fœdavit sanguine Galbam,
Gestatus bijugis dum sonat altus equis.
Quod petis aufugium? qualem fugitiva salutē
Victima? Carnificem dum fugis, ecce petis.*



GALBA. SACRIFICANTE

Puer qui ministrabat repentē
canescit.

D *Vm sacra jejuno designat vulnera cultro,
Ante coronatum Galba cruētus ebur.
Aureus argento mutatus canuit Infans
Intempestivâ diriguque nive.
Infelix Roma es, Galba si liquerit ense;
Imminet en propero cana senecta pede.*

G A L -



G A L B Æ

Bis in somnis offertur Fortuna.

TE Dea velivolo qua trāfigit æquora tergo,
Vt Sceptrum caperes visa rogare fuit.
Inde relabentem cum jam te cerneret annis,
Se tibi rapturam, quod dedit antè, monet.
Te Iuvenem, gemmisq; levè Fortuna ferebat,
Ditior & Senior sis gravis. Est mulier.



G A L B Æ

Emortui caput hasta circumla-
tum saxi petitur.

FAma est in gelidū cōspecta Gorgone Saxū,
Viscere torpenti diriguisse Viros.
Prodigium majus: quod summā devebis hastā
Lixa caput, longè saxa animata vocat.
Inferna majore Domus tortore sonabunt:
Quarta Erebū, major Gorgone, Dirā petit.

OTHO-



OTHONIS ELOGIVM
M. OTHO SYLVIVS,

Sylviorum Sylvestris palmes.
 Baterni animi tenax, pecuniæ prodigus hæres.
 Auri avidus, ut evomeret,
 Quæsturam gessit, quæsturam posuit.
 Neronis intimus, intimè Nero fuit.
 Dignus qui Neroni succederet est acclamatus.
 Non tamen à Nerone Regnū accepit ut Hæres,
 Quo illud furaretur ut Nero.
 Pari fato cum Nerone accepit, pari fato dimissurus.
 Ære alieno obrutus
 Sceptra accepit ne periret,
 Perit, quia accepit.
 Faces Civiles suis odiis accenderat,
 Debuit suo sanguine restinguere
 Qui in adolescentia otio seneverat, senecta non eguit:
 Suorum scelerum ultor fuit:
 Oculos sibi prius effudit:
 Parva jactura, cum iis non uteretur.
 Cæcus deinde cæcam mortem quæsit ferro:
 Non tamen cæca erravit manus.
 Disce lector.

Malis si desit Carnifex, sibi non desunt.

OTHO.



O T H O

Diti sacrificans, litat quod
dirum erat.

Sit tua Semideū Patri cadat Hostia, Caesar,
Tabida fumosis ignibus exta sonant.
Si Diti cadat ante aras: jam Mulciber insons
Integra sincero viscera dente vorat.
Infelix Caesar! vel sint tibi numina leva,
Vel dextra, ipse Diis Otho sinister eris.



O T H O

Rapax est alieni.


Claude flagellatas, mercator, marmore gazas
Othonis penetrat marmora clausa manus.
Turbato concede mari tua lucra, Britanne,
Extrahet immersas Caesaris astus opes.
Si pedibus, quātū manibus valet, Otho valeret,
Aerias cursu vinceret iste grues.



O T H O

Priusquam se occidat oculum
sibi confodit.

SOmni Sororem *Vulgus ut mortem vocat,*
Dormire credit Otho quos cogit mori:
Quin ipse cade Civium lassus gravi,
Tandem depositis ocium telis petit:
Istinc strepentes jam recedant Aulici:
Dormire vult, coepit fenestras claudere.



O T H O

Seipsum occidit.

MIlle Tyrannorū, *Cesar, tormenta mereris,*
Et tamen est crimen si tibi tela paras.
Te quicumque necet pius est, tamē ipse scelestus
Es si te ferias: est scelus esse piū.
Te damnat cœlum, te conscia Tartara damnat,
Es reus, at licetor non potes esse tui.
Quā malo es Cesar? quæ te pia numina lustrēt
Crimina? si pietas te facit ipsa reum.



VITELLII ELOGIVM.

AVLVS VITELLIVS

Se à Fauno originem trahere putavit:

Iure quidem,

Nisi ille semiferus fuisset, hic totus ferus.

Adolescentiam ne quæras, Capreis in ocio perdidit.

Ætas virilis notior fuit, non melior.

Auri succinum, aurum etiam ex Templis traxit,

Diis auferens quod Scortis daret.

Præses scelestorum, præsidium scelerum,

Famam fœdavit filii sanguine.

Imperium ex Othonis cinere collegit;

Quæsitum diu, mittendum citò.

Vitæ dispendio parvum mercatus compendium:

Cæsaris nomen recusavit,

Cæsarianæ virtutis augurium fugiens.

Perpetuò Consul, perpetuò inconsultus;

Fami non famæ consulit,

Diis sacra gulæ sacrabat.

Fucus Imperii frugem perdidit:

Vt fucus in purpuræ Rosa citò periit.

Statim privatus Imperio, qui privatus semper fuit non princeps,

Per Urbem Raptus, risum insanis dedit moriens

Qui sanis lachrymas dedit vivens.

Morti iacratus est vitulus, ut Martem placaret.

Disce lector.

*Imperium etiam mali adeunt: boni
tantum tenent.*



VITELLIVS

Mendacissimus est.

Cū gereret tumido te Caesar, viscere mater,
 Quid gereret fertur consuluisse Deas.
 Inno Vir, inquit, erit: nō Vir sed fœmina, pallas;
 Utraque decepta est, semivir ille fuit.
 Hand reget, hac, regnum; regnum reget, altera
 dixit;
 Vtraq̃, decepta est, hand regit, hand regitur.
 Prima, peribit aquis: Siccâ, hac, tellure peribit;
 Utraque decepta est, cœno humilis periit.
 Quem non decipiet duplici Vitellius ore,
 Quando fatidicas decipit ille Deas.



VITELLII

Capiti Gallus in Foro insedit.

Ausonia dum jura dabat Vitellius Vrbi,
 Imminuit capiti præscia Solis Avis.
 Insidias cave dispositas, jam tela parantur,
 Missa tibi volucris nunciat, ut vigiles.



VITELLIVS

Ad scalas Gemonianas occi-
ditur.

R *Aptus ad infames Gemoni sanguine scalas,
Improbe, Romani scena furoris, obis.
O quicumque tibi similis se extollere Regno
Ambit, per similes surgat in Astra gradus.*



VITELLIVS

In Tiberim projicitur.

P *Hæbeum Phaëton se credidit esse nepotem,
Aulus item sobolē se putat esse Deūm.
Ille furens patrii petiit moderamina Currus,
Hic petiit patriæ flectere frena sua.
Ille animā Eridanā flāmasq; extinxit in unda,
Sorte pari Ausonio mergitur iste vado.
Hoc variat sortē: lachrymat Phaëtonte cadēte
Populus; at ridet, dum perit hic, Populus.*

VESPA-



VESPASIANI ELOGIVM.
 FLAVIVS VESPAS.
 CÆSAR.

Tertius Divus, Secundus Augustus, Primus Pius.
 Afflictæ Vrbi tandem datus,
 Solus præcessore melior.
 Solus ad Imperium evasit, non invasit.
 Solus è vita discessit, non fugit.
 Romam Romæ restituit, sanam fractæ,
 Dignitatem Imperio dedit cum accepit.
 Patriæ verus Parens, quia verus Filius.
 Templum Pacis excitans templis pacem reddidit.
 Ad spectacula Theatrum dedit,
 Spectaculum seipso nobilius dare non poterat.
 Dignus spectari quem Cæci etiam spectârunt:
 Dignus Imperator quo jubente Claudî currebant.
 Iniquis æquus, injuriarum morsus linivit oblivione.
 Hierosolymæ ut fores clauderet Iani fores aperuit,
 Ut pacem pareret nupsit Bellonæ.
 Sceptri caduceo patis sônû induxit, sônû induxit ocii.
 Sed hem serò datus, citò rapitur!
 Cessit divino fato, qui excessit humana facta.
 Stans Obit,
 Mortem terruit cum animam efflavit.
 Disce lector,

Principem decet stantem mori.

VES-

VESPASIANVS

Amphitheatrum condit.

Quis? quis Erythraeis animat properantia ripis
 Marmora? quo rupes nudaq; saxa volat?
 Oceano mirante Paros procul innatat omnis:
 Currit in Ausonium terra Pelasga Mare.
 Heu quæ Romuleâ moles sese erigit Vrbe?
 Proxima marmoreus sidera pulsat apex.
 Naufraga siderea minitatur machina puppi,
 Pallidus, & pavidos Sol retroegit equos.
 Vel tua, vel superum sunt hæc miracula cesar,
 Orbis enim in primo clauditur Orbe novus.

VESTASIANVS

Comicos introducit.

Reddidit Ausoniis scurrilem Cæsar arenâ,
 Et repetis solitos, Histrio salse, jocos.
 Provocat alba chelys cordacem carmine saltû;
 Prima theatralis jura Bathyllus habet,
 Migret Orestæus, Tragica concedite Musæ
 Srenam aliis: regnum Vespasianus habet.

VE-



VESPASIANVS

Portentum videt.

A Eraper vacuum cernis pendere bilācem
 Ante Palatinas, Vespasiane, fores.
 Altera crudelē pensabat libra Neronem,
 Altera te mitem pendula concha tenet.
 Par onus utrinq; est; pendetis lancibus aqvis;
 Tam ferus es Caesar, quā fuit ille pius.



VESPASIANVS

Vilo cometā crinito jocatur.

Q Virubet infaustus fecialis crine cometes
 Barbaricum Regē, cui coma lōga, vocat.
 Sic rāsus loquitur, fallens sese omine Caesar:
 At vatem occidit flammea stella suum.
 Flava hac Caesaries Flavī, est tibi noxia Caesar.
 Odit enim rufum Stella comata caput.

TITI



TITI ELOGIVM
TITVS VESPAS.
CÆSAR

Flavii Vespasiani imago,
 Patriæ se Patrem pro Patre dedit.
 Ante Imperium ignavus, molestus, crudus,
 In Imperio gnavus, modestus, clemens.
 Relictos Patris mores in solio invenit:
 Vapor elatus stella fulsit.
 Exiit animum cum purpuram induit.
 Lupus invasit regnum, evasit Pastor.
 Prius aurum omne voluit quod amavit,
 Tum illud donavit quod voluit.
 Prius ferro corpora, tum animos auro figere didicit.
 Munis officiis in immunes officii;
 Patris incepta perfecit Patri.
 Hierosoly mam victam victimam sacravit Famæ,
 Suum scripsit nomen cum Urbem delevit.
 Tanto animo breve Imperium fuit,
 Quod diu meritum biennio liquit.
 Breve Regnū cupiebat Roma cum Regē illum accepit,
 Longum cupiit cum amisit.
 Disce lector.

Non semper fortuna non mutat mores.

TITVS



TITVS

Imperio accepto fit melior.

Crudus eras, Caesar, privatâ degener Æde:
 Ductus ad Imperium mitis es, & melior.
 At tuus in patrio germanus limine clemens
 Omnibus, in Regni perfidus arce furit.
 Virga Caduceas artes num Regia servat?
 Efferat en mites, mitigat una feros.



TITVS

Templum Hierosolymitanum
 inflammat.

HEn, hen, bacchantem qui franent æquora
 flammam?

En alitur templo depereunte focus.
 Frigida Romana serpunt per marmora tede:
 Nulla homines flectunt vota, nec ulla Deum.
 Flamma profana sacrû conatur perdere Fanû,
 Maxima mox parvû templa cadaver erû.
 Prodigus Isacidûm Caesar cupit esse Sacerdos;
 Non tantum Vitulos, integra templa litat.



TITVS

Bis venenum bibit, primò impunè, secundò obiit.

Hostili medicata manu cum cacuba sorpsit
 Titus, inoffenso viscere monstrat ulit.
 Intrepido attonitus sub pectore torpuit anguis,
 Immemor ipsa sui mors alimenta dedit.
 Fraterna medicata manu cum cacuba sorpsit,
 Irruit in tumidum vipera fusa jecur.
 Per cava serpit hyems venarū claustra, repertis
 Mors subit auxiliis, victaque vita fugit.
 Disce novū virus: cū non vis ulla veneno est,
 Iratam Fratris (Thessala) quære manum.



TITVS

Statim ab Imperio accepto obiit.

AVrea regalis tetigit cū pōdera sceptri
 Titus, mortiferā falce recisus obit.
 Vitam Vittā fugat; jam cedro laurea cedit:
 Degener ad feretrum purpura pompa fuit.
 Invida tam rectum viderunt Tartara Regem,
 Et regeret sedes hunc petiere suas.



DOMITIANI ELOGIVM.
FLAVIVS DOMITIANVS,

Sub malo punico natus ad malum publicum,
Ex Flavio Vespasiano.

Quàm malos ramos bonæ radices agunt!
Felix genitor erat, si tam fœcundus non fuisset.
Hic antea fortis in Regno marcuit.

Purpuram Nelli sanguine tinctam induit,
Capitolium intravit semel, non ductus, sed pulsus.
In Theatro bellator, spectator in Campo.
Fratrem sustulit, ut se extolleret.

Gemuit rursus Roma, inducias experta non pacē.
Sub Principe legibus victo respiravit soluta:
Sub soluto, victa fuit Serva.

A Fratre uno vitam, mortē ab aliis accepit Imperium:
A Patre medicinam, & vulnus.

Scena interdixit Histriones, solus Histrion daturus scenā:
Hostibus Musca, Muscis Hostis fuit.
Gladium prævidit, culpas videns suas,
Non tamen vitavit.
Disce lector.

Prævisa mors malos terret, non corrigit.



DOMITIANVS

Muscas venatur.


Terribili armatus ferulâ volitantia Caesar
 Agmina Muscarû provocat, urget, agit.
 Pugnat nigra Phalanx, telû gerit ore, tubâq;
 Ipsa sibi telum, dux, eques, & lituus.
 Casarea sed enim succumbit copia dextra,
 Parvaq; non parvû corpora vulnus habent.
 Apula nativis spoliantur compita monstribus,
 Muscarûmque genus perdidit una manus.
 Quin domitis de more feris jam Caesar ovâisset,
 Sed qua axem traheret musca nec una fuit.



DOMITIANVS

Vites recidi jubet.

Sola Ceres profugo luget viduata marito,
 Negligit arentes pectere flava comas.
 Vitiferum prohibet frondescere Caesar Iacchû,
 Pulsus ab Ausonio margine Liber abit.
 Scilicet humano se postquam sanguine Caesar
 Proluit, ista sitit pocula, vina fugit.



DOMITIANI

Ante obitum Cornix loquuta est.

Horrida Tarpeio crocitans in marmore
cornix,

Edidit humanos prodigiosa sonos.

Prodigiis turbata novis tota horruit Aula,

Presagam metuit Domitianus Avem.

Quid metuis, fera cū loquitur? miracula,
Cesar,

Tam consueti times? non tu etiam loqueris?



DOMITIANI

EPITAPHIUM.

Ex cisa truncis germina immerfit ferox
Hydra Superbior Virorum Carnifex.

Cesar fuit, cadens, dein casus perit:

Horret calentē strage marmor: post quā eum

Mors hīc momordit reddita est crudelior.



CAROLVS EMANVEL DVX SABAVDIÆ.

Diu post obitum desiderabitur, qui desiderari antè cœpit quàm nasci.

Illum quippe infœcunda jã Mater votivũ suscepserat,

Vt principum prodigium prodigio nasceretur:

Nam principes Natura donat, Heroas Deus.

Maximò itaque Genitori major successit infans.

Vt annis acerbus, Imperio maturus.

Alterius gremio gerebatur, & populos gerebat alis.

Sensit divinã indolẽ Philippus, cùm sibi generũ ascivit:

Toto enim orbe circumlustrato nihil majus Carolo invenit.

Quàm auspiciatò conjugium cesserit proles docet:

Si Mats Minervæ nuberet, tales nascerentur.

Novem edidit liberos tam numero, quam sublimitate cœlos æquatuos.

Solent amorum tædæ, armorum tædium afferre;

At ille de conjugali thoro, ad subjugandos perduellium toros digressus,

Amorem Marti initiavit.

Exinde Carolum nemo vidit nisi armatum.

Nam regnis majoribus inclusam sortitus ditionem,

Timeri debuit, ne timeret.

Eò metuendus omnibus, quòd neminem metuebat.

Arces longè munitissimas expugnando, desertissimas propugnando.

Bella cum magnis Regibus

Imparibus armis semper concepit, paribus semper conditionibus confecit:

Numquam victus nisi prodicione, numquam victor nisi virtute:

Nec ingenium, ut solet, oppressit galea

Nam æquè ingenii ac ferri acie bonus.

Ita sapientibus Apollineam, uti Militibus Martiam præripuit laurum:

Incertūque fuit

Magisne calamo, an gladio invicta sit Regū manus.

Prudentiā tam perspicaci, ut callidior quibuscū sit visus.

Ignorante vulgo finitimū Regnū potentioribus invisū.

Tutius astu, quā hastā servari,

Ac geminis anguibz Mercurii virgam intetponi.

Regiæ demū virtutes,

Quæ in alus fuerunt singulæ, in uno Carolo sunt: singulæ:

Sed omniū maximā magnanimitatē solus totā excepit.

Nam sæpe læsus, semper lætus,

Docuit nihil contra fortitudinem posse fortunam.

Itaq; hanc omnium postremam virtutem explevit.

Nam dextram Cæleri datam ut servaret, sinistris armis circumventus;

Maluit inter arma ferè septuagenarius occumbere.

Dixeris infectum bellum consultò reliquisse,

Ne victori Amedæo filio nihil vincendū relinqueret.

At heroico planè funere decoratus est heros.

Nam orbe toto exequias anticipante,

Exundantia luxerūt flumina, caduca illuxerunt fulmina:

Tum gladiatorios videlicet ludos præbente fato.

Gemini Martis affecclæ Collaltus, & Spinola,

Ad Caroli Inferias pro victimâ ceciderunt.

Gratiis verò lugentibus, grato dictante genio

Magno Mæcenati suo hoc Elogium efflevit

Emanuel Thesaurus Soc. IESV.

EIVS.

EFVSDM
CARMINA



SITIENŒ EXERCITV oblatam aquam respuit Cato.

Africa belligeros amburit arena Quirites,
 Nullaq; jam querula subvenit unda siti,
 Forte breves galea legit udo è pumice lymphas,
 Demeruitq; levi munere Lixa Ducem.
 Delicias oculo spectant sitiente phalanges;
 De nihilo Princeps invidiosus erat.
 At Cato defectis quamquã trahit ilia venis,
 Attonito intactas Agmine spargit aquas.
 Principis exemplo dolet agrũ mitius Agmen,
 Nulla sitim culpat, nulla querela Ducem.
 Augebat spectata sitim procul omnibus unda,
 Iam sparsa excussit omnibus unda sitim.

Attritis



Attritis Arcuum nervis Roma-
næ Capillos sufficiunt.

Victor Agenoreos Tybris dū vēdicat Hostes,
Vulnificum nervus deficit Indus ebur.
Irrita securus deridet spicula Pœnus,
Et sua felici spargit inulta manu.
At non Ausonidū latuit solertia Matrum,
Nimirum Ausonidum sat fuit esse genus.
Cornibus attexunt sibi quos minnere Capillos,
Martia foemineus munera crinis obit.
Spicula luxuriant tenero vibrata Capillo,
Spicula tam crebras nulla dedere neces.
Foeminei sed enim lethalia tela Capilli
Sēper erant: quid cū spicula, & arcus erāt?

Flam-



Flammam pudicitiae testem
Nupta impunè tractat.

TEstatur a fide iurata Lelia dextra,
Pronuba magnanimâ fert elemēta manu.
Attonitas inopina tenet reverentia flammās,
Castaq; supplicium Dexterâ versat iners.
Si tibi leva fuit mea credule Dextra Marite,
Sit roguis iste mihi Tada jugalis, ait.
Testis mira fides. Proprie qui crimine Nuptæ
Non tacuit, Castam Mulciber esse probat.



Servatorem suum fervat Leo.

TAbentem levi trajectus cuspide plantam
Flebile Marmaricus personat antra Leo.
Fers ea Venator lustrat iuga: tum Fera prodit,
Is pæpet, hac subitam saucia poscit opem.
Tractat fulmineos medicus jã certior Ungues,
Et medicum pavida se stupet esse Fera.
Inde Theatrali captus dum servit Arene
Appositum memori protegit ungue Leo.
Mites esse Feras, Homines docuere: vicissim
Et sit homo humanus en Fera capta docet.

Illase

Illæso Filio serpentem circum-
volutum perimit Pater.

A Dspicit amplexū nati peritura Draconē
Colla pater: mors est, qualibet acta mora.
Protinus in viridem iaculo collineat Hostem,
Et læso illæsus profilit Angue Puer.
Figitur in solo docilis Serpente sagitta,
Et præscripta Patris lumine signa tenet.
Nunquam sinceri iaculum mentitur Amoris:
Id malè collimat, quod malus urget Amor.

Patrem fami devotū lactat Filia.

Fœmina per dēsas intrat generosa Phalāges,
Quid pater est lentā inssus obire fame.
Arida per vacuas numerat ieiunia venas,
Ossaq, deducta prospicit alba cute.
Ah dolor! affectare dapes cavet arduus Hostis,
Iamq, famem Genitor, Nata dolore perit.
At male fœmineo dū verberat ubera planctu,
Quid queror hoc, inquit, pectoris anctā penur
Ergo patri lautas impendit nata papillas
Fitq, patris Genetrix ingemiosa sui.
Expugnat rigidum pietas deprensa Tyrannū,
Corpora non passum tam bene pasta mori.
Quā nō vincet amor causā? movet ecce tyrānos
Et mites, legem transgrediendo, facit.

MATER



MATER HEBRÆA filio vescitur.

Quā Patriæ peperit miserā sibi devovet escā
 Cognatis dapibus luxuriata parens.
 Ingestus materna puer per viscera currit,
 Cuna idem venter qui fuit, urna fuit.
 Plaudunt exemplo Furie. Iam vicinus, aiunt,
 Invidiam, populus nos facit iste pius.



Periclitante Patre loquitur im- peditus Cræsi filius.

Segniæ regalis, vegeto jam firmior ævo,
 Non poterat vocis solvere vincla puer.
 Proditor ecce neci patrem cū posceret ensis
 Evomuit facili verbā reperta viā.
 Extremis Natura malis est provida. Primos
 Servârat Patriâ proprietate sonos.

Avarus



Avarus superstitiosus.

Q Vando dives ero? secū quarebat Avarus:
 De ramo Corvus, cras, ait: & tacuit.
 Auguriis firmata bonis sua vota moratur
 Cras populaturus quas malè condat opes.
 Ergo auro ingentē misero dum preparat Arcā
 Cras perit: atq; Arcā conditur ipse suā.
 Nec mala fatidico volucris mentitur. Avarus
 Cum moritur, Dives incipit esse aliis.



Durante spinā perit Rosa.

A Urora soboles Auræ pulcherrima Rore
 Pascitur, atq; perit cum Genitrice Rosa.
 Spina sed in longum ridens felicior ævum
 Heres deciduæ vivit acerba Rosa.
 Hoc Natura licet? spinum servare nocentem,
 Atq; hilarem subitā plectere morte Rosam,
 Est Rosa flos Veneris; Venerisq; simillima flori,
 Quod cruciat longū est, quod placet exigū.



In funere Magni Regis

Hic gemit impositū feretris pallētibus aurū;
 Aurum Atlantei lucida pompa Maris.
 Hic gelida emeritis languent in fascibus arma;
 Arma per Australes quæ caluere sinus.
 Hic perit in proprio tabescens lumine cera;
 Cera, Europeæ, quam peperistis, Apes.
 Hic pia odorato spirantur flamine Thura,
 Sudatis Asia Thura petita iugis.
 Hoc tantū exiguo subiguntur plurima fructu
 Regna, ut funeribus plura tributa ferant.



In eodem funere.

Altacoronato quæ incūbit machina busto,
 Mox erit ipsa Rogus, ipsa Cadaver erit.
 Dum pia lugubrem lustrant funalia scenam
 Luce sua liquidas cerne perire faces.
 Pallida quæ viduā cingunt simulacra feretrū
 Ipsa suum repetunt pulverulenta solum.
 Consona dū tacitū plorant modulamina funus,
 Vox perit, & fletu solvitur ipsa suo.
 Omnia mors spectat miserè spectantia Mortē,
 Et tu qui spectas funera iam moreris.

Vita



Vita Actio.

A *Mphitheatralis rapimur spectacula scene,
Omnes, ah miseri! Fabula mœsta sumus.
Actor Homo, Cœlum spectator, grãde Theatrũ
Hic orbis, Vita est actio, scena Dies.
Iam data Regali postrema est clausula Vitæ:
Hoc est postremum plaudite: abire licet.*



**In statuam Iulii Cæsaris corruptã
integrali duntaxat nomine.**

B *Is deluse peris duplici discrimine Cæsar,
Bis tua diverso Vita sub Hoste cadit.
Quã dederat Genetrix Bruti tibi sustulit Ira,
Quam sculptor dederat Temporis ira terit.
Vivis parte tamen, Cæsar, meliore superstes:
Perdere iam nomen vis nequit ulla tuum.*

FILIUS




Filius Patrem pingit.

Vivificâ extinctū restauras arte Parentē
 Pictor, & officiū reddit amica manus.
 Qui sine te periit, per te Pater ipse resurgit,
 Et vitam Invenis quam dedit æger habet.
 Sic Patris Pater es: Nati Natusq; creatur
 Qui genuit: Patrem Filius ecce parit.



Pictor seipsum pinxit.

Verane forma fugit durat si ficta superstes?
 Sorte q; Nobilior deteriore perit.
 Servat adoratam contusâ forfice telam,
 Et tabula Auctorem tetrica parca secat.
 Si facit Ars firmos Homines, Natura fugaces,
 Ars facere, hæc dici fingere debuerat.



In effigiem S. Brunonis Carthusiensium Patriarchæ.

Non fucata levi minio te ludit Imago,
 Nil fictū lepida hac forma, nil artis habet
 Adspicit, ac spirat: sed rara Modestia motum
 Supprimit, & circum lumina ferre vetat.
 Rumperet ore sonos etiam: sed sancta silentii
 Regula composito non sinit ore loqui.




Gigantomachia in pariete
 imbribus obnoxio.

Impia Phlegrai renovant perjuria Fratres,
 Et nova compositis Montibus orsa parant.
 Rursum sulphureis impendes, Iupiter, armis;
 Nec valet Angvineū perdere flamma genus.
 Pone faces: rident renovatis viribus ignem;
 Hæc dirimet gelidis prælia tempus aquis.



In Iudæ effigiem argenteos
reijcientis.

Projicis infames, effusor Prodigæ, nummos,
Et fugit extentâ nullus, Avare, manu.
Exosum refugit contingere terra metallum,
Flavaq; contiguâ Copia pendet humo. (næ
Siccine vos postquã tetigit fera dextra, profa-
Et pretium, & pondus demervistis, opes?
Fallor, furacis sunt hæc miracula dextra:
Dum rejicit nummos, attrahit illa manus.



In effigiem D. Ambrosii Theo-
dosium Templo arcentis.

Cernis ut in vetitos princeps irrûpere postes
Nititur, & fixo vi parat ire pede.
Vana colorata non est hæc forma tabellæ;
Spirat; habet nostrâ vivus ab Arte animã.
Quis etiam foribus Victor se immitteret altis,
Ni sancti obstaret præsulis Imperium.



In effigiem Assumptæ Virginis
non absolutam.

A Vrea dum Rapta conformas Virginis Ora,
Raptus in expleto munere, Pictor, obis.
Non tibi crudelis, non invida parca labori,
Sed populi votis officiosa fuit.
Nam si, qui tantum deerat, motum arte dedisses,
Egressa è Tabula vivida Virgo foret.



In S. Vrsulæ statuam cum li-
ctoribus.

Vibrat, non vibrat; replicat, non replicat ictum,
Pennigeras lictor datque, negatque, neces.
Prome: quid ambigui cunctaris lucra pericli?
Damnant ignavas pectora prompta moras.
Hæc reor est Pallas Virgo: nam Pectoris albam
Ægida cum peteret duruit illa manus.



In effigiem mendacis.

V Ivis adhuc? spiras fallendi callida Pristis?
 Et fida infidos recreat aura sinus?
 Mene putas falsæ rapturam in retia linguae?
 Saga tuos novi Parthenopea dolos.
 Finge oculos, mentire genas, tu falleris ipsa:
 Si poteris rursus fallere, dispeream.
 Cui loquor? heu vana deceptus Imagine! viva
 Quid faciet, quæ vel fallere picta potest?



DE ZEUVXI.

M Entitã Tabulis Zeuxis formaverat avã,
 Adq; ea deceptas pabula traxit Aves.
 Post dira miser ipse famis dispendia passus,
 Non nisi quas tabulâ finxit, habebat aves.
 Scilicet illusa multam petiere Volucres:
 Suppliciumq; avibus quod dedit, ipse tulit.




In effigiem Christi Patientis
malè expressam.

L *Anguentē nemo divinum expressit amorē:
Haftenus egregia desipere manus.
E grege te Pictor primum commendo: sapiſtī
Veris, crede, modis exanimare Deum.
Namq; illi non forma fuit, non gratia vultus;
Pinxisti informem solus & exanimem.*



In malè pictam venationem.

R *Ara colorato finxit solertia lino,
Et leporē, & Lybicū per iuga picta canē.
Scilicet hoc mirū est. Leporē nō cursibus umber
Vrget, & irriso non fugit hoste Lepus.
Hasce feras etenim tenuit discordia forma,
Quæ velit esse Canis, quæ velit esse Lepus.
Ergo feras si, pictor, amas per inane fugaces
Cernere; subscribas, Hic Canis, ille Lepus.*



In effigiem Promethei malè
redditam.

Caucasæ lacerum sub Rupe Promethea
Pictor

Mancipat, & Rapto vendicat Igne Reum.
Tam miseris tortum exemplis si cerneret ultor,
Quas petiit flammæ, Jupiter ipse daret.



Iudas suspensus crepuit
medius.

Non mea me poteris tellus haurire nocētē?
Non Thetis innocuas sapiens ultra rates?
Non tumida Nubes igni mulctare caduco?
Non terere infidum stellæ revulsa latus?
Exosâ refugit Tellus, Mare, Sidera, tactu:
Inveniet mediam spiritus iste viam.
Dixit, & infami se Proditor Arbore librat,
Nec terris, nec Aquis, nève Polo immoriens:
Restant contiguæ fœdanda tactibus Aura,
Ast animæ assuetas impedit Aura vias.
Ergo animæ obsessi antico illuctabilis Oris,
Postico solitum lapsa fefellit iter.

FRAN-



FRANCISCVS XAVERIVS
ad Indos solvit.

N *Avis, solliciti jucundos Orbis amores
Per vada quæ Zephyro lata ferēte vehis;
Marmora festivo tranquilla celeusmate rūpe,
Humida terribilis comprime terga sali.
Hybleas depasta rosas tibi flamina dulces
Adspirant animæ; suppara tensa canunt.
Cedūt Mōstra Maris, Venatricesq; Phalāges,
Sarcina securam te pretiosa facit.
Invidet Argœ puppis tibi lucida preda:
Illa vehit stellas, tu vehis una Deum.*



Peregrè se funiculis adstrictum
cruciat.

A *Rētata duris membra neētis Vinculis,
Nudosq; divus implicat nodis toros.
Hospes remotam destinat viam: Omnia
Vult ferre secum, colligat pauper quæ habet.*



Acerbissimis duntaxat Pomis
diù alitur.

Faucibus autumnos agris indulget acerbos,
Tantaleâ Xavier pallidus ora fame.
Cōpar suppliciū, dispar tibi, Tātale, causa est.
Hic veniente cibo, tu fugiente doles.
Tam mala jejuniū si, Tantale, Mala monerent,
Supplicium majus si fruerere foret.



Sacra faciens excedit sen-
sibus.

Pronus adorat as rem confecturus ad Aras,
Durior Alpino Xavier it silice.
Hunc Puer audaci tardantem vivere dextrâ
Vellicat; immemorem, prærigidūmq; vocat.
Siste Puer: quem cernis abest. Deus advenit
hospes:
Obuius en vacuam deserit iste Domum.

Ver.



Verminosam bibit

Deficit illimis Xavier dum navigat Unda:
 Deficit in medio quā bibat Vnda mari.
 Haurit soligenis animatum Vermibus æquor,
 Et tumulat vivos visceribus latices.
 Es tibi causa mali Xavier. Te vivere cuncta
 Prasente incipiunt: ecce animantur Aqua.



Singulis sua Idiomata pro cōcio-
 ne referens Angelus creditur.

Percitus Empyreï Frāciscus pneumatis æstu,
 Tergeminū Monadis conciliū memorat.
 Concio Pennigerâ properat Malabarica mitrâ.
 Et brevis intorto vertice Pumi'is.
 Vncæ Sinus adest, & pressæ Naris Japon:
 Durus Taprobanes, mollior astat Arabs.
 Thorax pullam, faciē pictus Canarinus adustâ,
 Et tereti hirsutus cum Patagone Scythæ.
 Pendulus unam Orbis linguam miratur uterq;
 Lingua refert Patrios omnibus una sonos.
 Hoc alii potuere: sacer cū diceris Ales,
 Plus est uno omnes quod facis ore loqui.

In



In ora Piscariæ lachrymatur.

Candida Piscosam Baccarū copia Terrā
 Fecerat, è gelidis copia dives Aquis.
 Traiicit Hesperias temeraria turba columnas
 Roscida quo lacero pignora lictre legat. (te:
 Linqute aquas: Xavier quo luget pergite nau-
 Quod medio petitis gurgite, littus habet.



Nutibus Indos erudit.


Si loqueris quocunq; libet fera pectora pellis,
 Atq; aures Populi vivida verba vident.
 Si vibras, Francisce, manus, tua dextera fatur,
 Atq; oculis audit rustica Turba manum.
 Quis credat? mano eloquitur, prōptissima gestit
 Lingua, vident aures, audit iners oculus.
 Non sunt hæc Hominum Miracula: Numi-
 nis instar
 Est quisquis mutat sensibus officium.

Negata



Negatâ Navi Pedibus Mare
decurrere aggreditur.

Erige pugnaces scopulos; mare môtibus abde;
Invia Xaverio non erit ulla Via.
Tolle Rates, erit ipse Ratis: Terram Æquore
sterne,
Æquora calcabit dura, natabit Agros.
Quid nō possit amor? legem dedit omnibus; Idē
Legem qui potuit condere, solvet Amor.



Vno tempore duabus infistit
Navibus.

VNa duas cæco Naves rotat Orbe procella,
Vnaq; fit geminis Navibus urna Mare.
Vnus adesse cupit gemina Franciscus in alno:
Velle habuit pretium; qua cupit esse, fuit.
Et fugit, & remanet: puppi se partit utriq;
Fit duo, nec duo sunt: distat, & unus adest.
Miraris? quid tam facile est quā pluribus unū
Stare locis, geminus quo minor Orbis erat.

Sacco



Sacco indutus Aulicis miscetur.

Presserat Hesperias armata superbia terras,
 Arx Aula infelix Ambitionis erat.
 Lumina quicquid amant, postes, laquearia, mense
 Omnia pro telis explicat Ambitio.
 Arcus erat Diadema, arcus foedata cruentus
 Purpura; & haec oculis cernere vulnus erat.
 Xavier at lacerata velatus membra lacerna,
 Loricam dixit, si potes, hanc penetra.
 Quae nulla poterant arces perfringere tela,
 Tela haec Xaverii frangere fracta potest.



Indiis peragratiss emoritur.

Magno, ut exiles Macedo pervenit ad Indos
 Sanguine jam lachrymas deficiente dedit.
 Ex aliis alios suspirans Orbibus Orbes,
 Virtuti metas mœruit esse breves.
 Xaverio invideat Macedo. Post Indica Regna
 Caelestes Orbes invenit, & superat.



De sera Infidelium conversione expostulatio.

I.

Res est Relligio nota
 Aut ignota magis?
 Numen Relligio patens
 Quas non conspicuis verberat ignibus.
 Terras? quod Equor belluosi
 Tranare Bosphori pavet?
 Hospes inhospitis
 Lucida lucis;
 Constans trepida
 Ludere in unda;
 Ingredi cecos animosa Calles:
 Solis utrāq; Domū liquidis fulgoribus implet.
 Obliqua si quam deserit plagam dies,
 Hec tetricas radiat per umbras.



I I.

N Vmen Relligio Vastum
Pandit ubiq; Deum.

Doct̃or consileat licet,

Novit Nauta fero pressus in Icaro

Cælo supinas ferre palmas.

Casurus agrestes opes,

Tornat solidum

Si Notus imbrem,

Properat Divos

Mulcere sator.

Hosticas Victor minuat Phalanges,

Tardet Aprū Marsa venator arūdine præda:

Ille grave sacro ferculum appendit Tholo,

Horridos dicat iste rictus.

Aurora



III.

Aurora croceos Currus,
Aurea frena vide.

Audi turbine consono

Intercalata sideribus Spheram:

Longoque non fessum rotatu

Astrum videto Praesidem:

Condam lucis

Promamq; bonae:

Aliam semper

Semper eandem

Progredi cernas minuiq; Phœben.

Sylvarum, Pelagiq; Pecus, pictasq; volucres,

Variosq; florum cerne ridentum Chores,

Cuncta Deum sine voce clamant.

Securis



IV.

SEcuris trabibus fixum
 Advena Hyrundo larem
 Quo doctore linit? Deo.
 Quis mœstam Cytherâ pangere plumeâ
 Carmen sub umbra luctuosum
 Prognem Choragus erudit?
 Quo dictante
 Gens florigera
 Stipat cereis
 Nectara thecis?
 Quo celer netis Opifex medullis
 Argutos Culici laqueos prætexit Arachnes?
 Aut quo penum Formica parcit frigori?
 Tam minimis Deus est Magister.



V.

Cur vel solivagis Culpam
 Horret Virgo locis?
 Testem Virgo timet Deum.
 Umbras crudus adhuc quid puer avidus
 Motumq; Virgultum tremescit?
 Numen puer sentit latens.
 Cur argentes
 Tangere vitat
 Cari cineres
 Nupta mariti?
 Quidpiam sentit superesse Morti.
 Nocturnæ Lemurum facies, & præscia veri
 Somnia, Poëtis Entheum Pectus sacris,
 Esse Deum, superosq; clamant.

G

Olim



VI.

O *Lim sanctum Animal, vivax,
 Humanumq; suo
 Sculpsit de Ingenio Faber.
 Libratis teretem partibus indidit
 Statuque & incessu figuram.
 Huic Dædalas finxit manus,
 Linguam præpetem,
 Ac sideribus
 Nata tuendis
 Sidera fronti.
 De suis tandem radiis favillam
 Excussit, claraq; dedit sanctum Icona menti.
 Ac ni Cupido nostranos cecos facit,
 Artificem è speculo videmus.*



VII.

AT si multigenos cultus
 Mistaq; sacra vides,
 Res est Religio abdita.
 Hic truncam salicem stare Deum jubet,
 Edace quem finxit dolabrâ,
 Blattis futuram mox dapem.
 Hic colit unda
 Lene Caput sacrae;
 Sarculo amicas
 Colit hic fruges:
 Et suum hic mandit, bibit ille Numen.
 Quondam etiam Numen pavidâ stetit Hin-
 nulus arâ;
 Bipartiendum Capree ac Viro decus:
 Illa Deos parit, hic precatur.



VIII.

Quantae Vatibus heu nuga!
 Thura quid alba crepent
 Sacris imposita ignibus:
 Quo fulgur sonitu Nubila dirimat:
 An dextrum, an obliquum laceſſat
 Oſcen volatu Dædalum,
 Servat Aruspex:
 Fataq; Principum
 Volacrum pennis
 Fatuus alligat.
 Conſulit mutas alius Bidentes,
 Viva cruentatâ ſcrutatus viscera dextrâ.
 Quid plura? ſanguine Rhodus humano litat,
 Et ſimilem ſibi Myſta cedit.



IX.

C Aligo sed enim major
 Quos arcana iuvat
 Scitari Superum, implicat:
 Hi vera è Cathedris dogmata ventilant,
 Verumq; perdunt ventilando.
 Raptatur hanc illac Deus.
 Scommata ludit
 Alter in alterum:
 Et ridetur
 Alter ab altero.
 Veritas falsis petitur duellis.
 Jam calamus gladio mutatur, pagina peltis;
 Sanguis rebellat sanguini. Scandit furor
 Per scelera ad Pietatis arces.

O lucia



X.

O Lucis Faber alterna,
 Et lux certa animis,
 Tandem nubila disjice.
 Te nosci Dominum si nihil interest,
 Quo Tempa, & Aras tot moramur?
 Te nostra si tangunt sacra,
 Quid consortem
 Pateris Orcum?
 Aut quæ Sæganis
 Tantæ potestas
 Ut tuas dirus ruat ignis Aedes?
 Interea impunes Phlegethon cõtaminet Aras?
 Audis, micabit luce Religio sua,
 Et dubius requiescet Orbis.



In Patriam reducis
Votum.

Quam dulce lassis, Isthmia Navitis
Pressisse conto litora, cum Notus
Fervore dediscit supino
Caruleis equitare campis.

Quam dulce collo ne tere patrio
Dextram ferocem, quæ prius aspero
Stridens metallo, fulguranti
Horrendum tonuit Sarissâ.

Nil est Paterno sole beatius,
Certisq; noti finibus oppidi,
Sen juvit errantes Volucres,
Sen genus undivagum tueri.

Olim Paternis indita fontibus
Arcana vis est, quæ latet Advenam,
Ad nota dulcis labra serpit,
Et Patriam monet esse lympham.

I qua Regali sol perit Equore.
I qua recenti sereficit satra:
Scrutare Getulos recessus:
Non Patria fugies Amorem.

*Merge hunc sub undis, transfuga, Caspius,
Emerget ardens. Ad tua litora*

Mentem resorbebit fugacem,

Et tacitos feret ore morsus.

Sprevit placentes Ogygiae minae,

Sprevit decoras Alcinoi fores,

Et calibem nunquam vacentium

Præ scopulis Ithacus paternis.

Tauro implicatus litora Patriæ

Nativa dura quo repetat Scythæ,

Querceta Gargani dolebit,

Et tepidas habitare Baias.

Ille ô beatus, cui vice consulis

Progenes Paternam dum relinit trabem

Distinguit annos, atq; avito

Herculeum Mare finit agro.

Et qui coæva dum videt Arboris

Pendere crines, se meminit senem:

Campisq; lentis, atq; adulto

Se nemori videt esse Patrem.

Felix volentem cui proprii datur

Metare vitam limite prædii.

Miscere cui prodest sepulchra,

Et cineri cineres paterno.

Felix Parenti qui sibi creditum

Multo resignat fœnore pulverem:

Quem terra postquam fruge pavit,

Cuna eadem fuit, & sepulcrum.



In pluvios Annos. Dira.

At quis Nigrantū Verna, plus nimio potēs,
 Spirabilis compendium ingressus via,
 Mundi ruinis Tartari ingluviem beat?
 Vel quæ sepulchris altilis Venifica
 Torto sabellum concrepans carmen labro
 Caduca Cælo sidera orbato rapit?

Et hunc sereno Turbinem vultu vides,
 Vltor Mulierum Iupiter? num te ligat
 Enode Pellex brachio? aut udus gravem
 Stertis cicutam? sortis aut primæ incapax,
 Dum seminale cuncta confundit Chaos,
 Exosa pessum arbitria, & sceptrum jacis?

Nullusne causæ cognitor? nullus Forum
 Mundi clientis Rabula, vel Rhetor terit?
 Quid tu Pupilli tarde Curator Iovis,
 Falcate Senio? quid satellitio frequens
 Apparitor Majugena? quid Acinace
 Gradive, inermem siderum terres Gregem?

Et lucis ille Circitor, mens Ætheris,
 Dynasta Phœbus: ille tum Pedaneus
 Tum consularis Ordo Stellarum, potens
 Mundum rotatis regere pupilis, tacet?

Vides ut alto pensilis Aquator loco
 Ambas supinat frigidus capedines,

Vlnisq̃

Vlnisq; nitens stiriam presso negat
 Harere fundo? Cernis ut spuris, iners,
 Semigenitus, projectus, incestam putris
 Glebam renidens municeps Cœli novus,
 Ceu cinis, atq; Indigena stellata Domus,
 Geniale nivibus conspuit Orion solum,
 Superq; cilio ductat humanas vices?
 Hinc quæ polari dote venalem Iovi
 Dedi Pudorem, Bajulum cœli Patrem
 Ingrata proles vexat, & liquidam necem
 Infundit ulnis. Hinc gemella Numina
 Recens probrose cortice exutas manus
 Edit aruendis ratibus, Oceanitidum
 Inefficaces irritant risu preces.
 Valetate liquidis fertiles quondam plage
 Mersæ sepulchris: montium limbus plage.
 Nusquam nivosa dente vos ultra levi
 Tondebit Agna: vomere aut acri, pius
 Promota fundo germina in palam trahet,
 Sulcisve edaces Cultor inhibebit uepres.
 Squamosa flexo Monstra per sulcos gradu
 Errare Pastor cernet; ac vestris penum
 Piscator uncâ quæret in glebis acu:
 Tritasque aratro trabibus urgebit vias.
 Ite, Ite quondam Nobile Hortorum decus
 Anima virentes. Flammeum merges caput
 Superba Cnicus: Phœbus illasam fugit
 Caltham sequacem: tuque Pæonis potens

*Arcere virus fonte, non ab te potes
 Arcere Fontem, teq³ submerget tua,
 Narcisse, Lympha: Lympha quæ vitam dabat.
 Succoq; teneros vivido implevit toros.
 Et vos valete, Vota Virginibus Cohors.
 Flores adulti, flosculiq; puberes.
 Valete florum Candidati Lilia,
 Stolatus ordo Nivibus: ab quale Nivium
 Per astra vobis invida sepulcrum venit.
 Terra Cadaver languida rependet rosa,
 Collum Hyacinthus ponet, algebit. Crocus.
 Sativa tristis sidera occasus bibet.*

*Quid hoc ruina? Quassa dum questus tero
 Stridescit Æthra: num gravida nubes cavo
 Immugientes viscere Leones parit?
 Vertigo Cœli nutat? an lassum Gigas
 Stellare fractus exigit onere latus;
 Nunquid bibaces nimiâ perpeſſæ vadâ
 Valles anhelant? tota vel Mundi senis
 Anima laborat? Proh Deûm atq; Hominû fidẽ;
 En quanta sulcorima serpenti scidit
 Nubem dolentem distrahi; an tantas valet
 Incendiarum parere flammæ gelu?
 Animam calentem frigido ejetat sinu
 Irata nubes: moxq; pertæsa impium
 Scelus, flagranti liquida se impendit solo.
 Nimum nocenti mœſta pœnitentia
 Flammis præſtû lachrymis Mundum obruit.*

Fatiſce

*Fatiscce Cælum. Vertice emoto rue,
 Confunde Terris Astra, nec summo Inferum
 Lunaris orbi fibula hunc mundum liget.
 Iam Sole vulso Cacus ingemitet Cyclops
 Et Regna in unum terna Neptunus legat.
 Argoa rursus syrtibus stridat ratis:
 Per nostra Delphin Maria stellatus abeat;
 Tandem veneno tabidos artus liqua;
 Et rupta molli latera syntexi fluant;
 Orbis ruinas Vertice infracto feram.*



*Ad Nobilissimum Præsulem
 ex gentilitio stemmate
 Vaticinium.*

*Q*uiste virorum, quisve Deum, Lyra,
 Iam dedicatam provocat impetus?
 Quæ facta Delos, quisve Pindus
 Per tumidum mihi pectus errat.
 Favete linguis: hîc Geniam loci
 Astare certum est. Huc Puer insulam, &
 Indos vapores, cumq; Vesta
 Assyriam properato lenam.

Bis bina torto jam lituo Polum
 In Tempia findo. Iam decumus notat
 Postica, & antica trames,
 Quem bifido secat axe limes.
 Spectatis? an me de solido furor
 Mentis repellit? Stella sororibus
 Curvum sepultis invidendo
 Zodiacum ferit Alba cirro:
 Heros litasti. Te Proavus suo
 Phæbus nitori sufficit Hesperum.
 Phæbum repones, cum Pyrope
 Canicies triplici calebit.
 O quantus olim Threicio cruor
 Instat Tyranno. Tum Tyrium Mare
 Bis purpurascet: stella pessum
 Barbaricam ruet ista Lunam.
 At quale Monstrum? Primus inutiles
 Surgit per iras Herculeus labor,
 Tergum flagellans: Num præsto
 Axiferum bibit ore Sidus
 Odisse bruto fulmine longius
 Levos Leones Augur agens solet.
 Tunc Hoste Matres, tunc inultas
 A Borea negat ire sylvas.
 Fallor: Quirini quatenus Imperi
 Natale sidus fertur hic Aureus
 Qui Victor Autumnum micante
 In columnen Leo versat ungui.
Dedisce

*Dedisce fletum, Roma: quid utiles
Circaruias fœmineum latras?*

*Non vana Phœnix Fabulose
Suppliciis recreanda busti.*

*Hic, cui Cleones se fera temperat,
Pomumque discors asserit: Artibus
(Pacemque, terrorémque miscens)
Romulcis Populum beabit.*

*Sed quanta textis Machina Montibus
Offendit auras? num genus Anguipes
Stridente Centauris Olympo
Pelion instituunt, & Ossam?
Heheu ruina materiam struis.*

*Permitte Divis sidera. Quid Jovis
Ignem laceffis jam quietum
O propria tumulande Matre?*

Agnosco. Diris Augurium vacat.

*Ni fata peccent, jam Capitolio
Te Roma fundato superbis
Verticibus super Astra tollet.*

Quo te insolentem proripies, Lyra?

Iam parva magnis pone modum modis.

*Hæc alta Mirci plectraposcunt:
Parthenopen melius sonabis.*

INFLATÆ

VIRTUTES

IN

ORIENTALIS

ECCLESIAE PATRIBVS

EXPRESSÆ.



Constantia Infulata

ATHANASIUS
ALEXANDRINUS.

Athanasii virtus senilis in Puero,
Puerile nihil unquam habuit, præter ætatem.
Antonii magni Discipulus,
Sub Chirone altero Christianus Achilles,
Nescias an plura didicerit an docuerit.
Veritatis amantior, quam quietis,
Ut reduceret exulera remeavit in Patriam.
Æquè infensus Ario, ac Arius Christo,
In omnibus ab eodem dissentiens in hoc uno cōsensit
Quod uterque Athanasium nollet Episcopum.
Utroq; tamen invito coactus ad infulas,
Omnium Amorem promeritus,
Quia satis amari non poterat incurrit in odia.
Ab hospitibus delatus ad hostes.
Nunquā nō agnitus innocēs, sæpe damnatus, ut nocēs;
Sedem maluit mutare, quā syllabam.
Principum iras idē non metuens quia ferre poterat.
Constantio non placuit, quia minūs notus,
Constantino, Iuliano, Valenti, quia non ignotus,
In hoc etiam cum veritate conveniens,
quod Regibus displiceret. (frangeret;
Sed hostes suos ideo in Athanasium Deus allisit, ut
Revocatus ab exilio, ut iterum pelleretur,
Æquè triumphans cum cederet, ac cum rediret;
Herculi suppar, nō unū laborib; suis fatigavit Euristeū.
Sæpē

Sæpe quæsitus ad necem, semper ad duriora servatus,
 Bonorum vota præferens suis,
 Invisam invidis lumen, ne extingueretur abscondit.
 Arenti diu clausus in puteo,
 Eum impleverat lacrymis, nisi deficcasset ardoribus.
 * Malens cum mortuis, quàm cum perditis vivere,
 Ejus in tumulo vitâ deposuit suâ, à quo vitâ acceperat,
 Sciens nullum tutius cômmissa servare, quàm qui dedit,
 Hoste deficiente, quẽ vinceret revocatus è pugna,
 Suis quietem peperisse contentus, perfrui noluit,
 Tunc primùm mori cupiens,
 Cum vitam potuisset amare.
 Homine major,
 Qui se in hoc uno probârit hominem
 Quod pati posset.



* **C** Vin vellent Ariani, filium Dei esse similis cum
 Patre substantiæ, non ejusdẽ, contenderentque
 idcirco non ὁμοούσιον sed ὁμοιούσιον esse dicendum, Atha-
 nasius Divinitatis Verbi propugnator acerrimus, sedẽ
 maluit mutare quã vocẽ; maluit enim in exilium abire,
 quàm Dei filium cum Arianis ὁμοιούσιον tantum dicere.

Vide Baron. tom. 3.

* Sub Valente quæsitus ad necem, per quatuor menses
 in Patris sepulchro delituit, sub Constantio verò in a-
 renti puteo per sex annos inimicorum rabiẽ mundo
 ignotus elusit. Tandem ingenti cum omnium plausu
 suis redditus, cum jam felix posse vivere videretur, ex-
 cessit è vivis.

Vide Baron, Tom. 3.

H

ATHA-



ATHANASIO

Inter Ærumnas infracto.

Heu fuge depresso contermina Regna Barathro,
 Heu fuge divitiis Regna timenda tuis.
 Cœlituum tibi causa nocet, tibi conglobat hostes;
 Eia age defenso liber ab orbe fuge.
 Astra adeas, securus eris. Te Mundus Olympo
 Devover, & Civem denegat esse suum.



ATHANASII

Epitaphium.

Hic jacet ille locis fugitivus ab omnibus exul,
 Cujus in exiliis exulat alma fides.
 Cui rutos vix urna lares dedit æde sub ima,
 Quo nihil inveniet firmitus ulla dies.
 Hunc pepulere Duces, hunc vexavere Tyranni,
 Mitior huic nullus, credite, morte fuit,

TOLE



Tolerantia Infulata.

IOANNES CHRYSOSTOM.

Ioannes Eloquentiâ Aureus, Tolerantiâ ferreus;
 Preciosior fortasse quod ferreus, quam quod Aureus.
 Nescias ubi cæperit esse Sanctiss. aut quando desierit,
 Bonas artes cum disceret docuit meliores,
 Iam inde magnus, unde esse vix cæperat.
 Sylvescere metuens, secessit in Sylvas,
 Exuturus inter feras,
 Si quid ferinum induerat inter homines.
 Alienis clarus in oculis, obscurus in suis,
 Urbes dum fugeret, Urbes in Eremum attraxit:
 In hoc uno eum virtute rixatus, quod latebras impediret.
 Se uno dolente revocatus in Patriam,
 Non minus in dicendo quam in agendo disertus
 Nescias an plures virtuti dederit, an reddiderit.
 Se felicem non reputas, nisi cum miserorum causas assumeret:
 Facundum, nisi cum vinceret.
 Nullus aurum appetens omnium animos acquisivit.
 Collatas à Bizantiis Infulas,
 Ideo accipiens, quia recusare non poterat.
 Utilior esse studuit, quam videri;
 Sibi uni durus, quo mitior esset in cæteros.
 Salutis omnium memor, quia non immemor suæ,
 Securitatem, quam daret aliis, rapuit sibi.
 Sed mirum erat, si tanta virtus invidis caruisset,
 Qui perditos, nec tolerare poterat, nec corrigere,
 Quia eorum non incurrit in mores, incurrit in odia,
 Ideo hostis habitus, quia dissimilis.

Semel, atque iterum à barbaris pulsus ad barbaros,
 Quod tantum hominem Vires una non caperet:
 Plura ferre cupiens, quàm hostis inferre:

Veram Patriam,

Cùm in exilium properaret, invent,

Vir in omnibus aureus,

* Nisi quod avaris placere non potuit.



* **E** Vdokia enim Augusta Avarissima foemina, ali-
 que non pauci id genus homines, cum in avaros
 declamantem eloquentissimum hominem diutius fer-
 re non possent, & eo superstiti, miseros opprimere
 non sperarent, eum in Armeniam abigi curarunt. In
 itinere tamen cum exilium quæreretur, veram invenit
 patriam. Vide Baron. tom. 5.




CHRYSOSTOMO

Aureo homini

Avarities infensa.

Aureus es, cæcòque tamen malè notus Avaro,
 Totus es ex auro, te tamen ille fugit;
 Ille fugit, dirasque procul condemnat in oras,
 Ille tuas cupiat mergere posse faces.
 Mirer Avaritiem, latebras nisi quæreretur auro;
 Eripit illa alius, eripit illa sibi.

CHRY.



CHRYSOSTOMVS

In Exilio Barbaris carus.

PVLsus ab ingratis dum barbara Mœnia linquis
 Plebs gemit, & ferro te retinere parat
 Exul, & Armeniæ dum litora sæva teneres,
 Civibus ignotis notus amicus eras.
 Quid mirum variis carus si mentibus esses?
 Aurum, quod cæcus spreverit, alter amat.



Religio Infulata.

GREGORIUS THAVMATVRGV S.

Gregorius Octavum in orbe miraculum,
 Omnia in se uno miracula copulavit.
 Sub frigido cœlo natus, ut illud ipsum incenderet.
 Origene Preceptore dignus Auditor,
 Eum æquavit ingenio, meritis vicit.
 * Accusatus ab invidis se prodigio, non voce defendit,
 Magis mirandus quod ulcisci noller, quã quod posset.
 Ex Ægypto regressus in Patriam,
 Peculiarem domum habere nolens, ut omnes haberet,
 Cum nihil amaret in mundo possedit omnia.

Ita

Ita imperans sibi, ut imperare mereretur, & Dæmoni.

Vt nutantē firmaret, scopulos per inane .circūagens,
Difficilius moveri sæpe mentes, quàm mōtes expertus.

Quicquid optare potuerat, visus est impetrâsse,
Commune factus oraculum, oraculis vocem ademit;

Solus dignus audiri,

Qui æquē prodigia loqueretur, ac faceret.

Quid pollet in mundo Gregorius,

Ideo mundus credidit, quia vidit.

Multa tamen cū fecerit admiranda,

Nihil seipso mirabilius facere potuit;

Monstrum omnium maximum,

Vt in tanta Divinitate tanta copularetur humanitas.

Omnes cū vellet optimos, se voluit omnibus meliorē.

Ita sibi vacans, ac si cæteros neglexisset,

Ita alius, ac si se ipse negligeret,

Suorum virtute jam notus notior suā,

Cū vix sanctiūs vivere possiet, diutiūs vivere noluit

Nunquam mortalis creditus, nisi cū visus est mori.



* **S**E prodigio, &c. Muliercula perditorum promissis illecta, disceptantem in Academia Gregorium interpellans, pretium postulat divenditæ pudicitiae. Cedere iubet castissimus Iuvenis, & à servo pecuniam quam poscebat exigere. Quâ tamen acceptâ, cū miserē torqueretur à Dæmone, Gregorii precibus Deo reddita, erepta Dæmoni, quem antea accusaverat laudare cœpit. Nihilenus in eius vita.

THAV.



THAUMATURGVS

*Arboris speciem induens satelli-
tes decipit.*

L Vdis ab irato lectam Prætoræ cohortem,
Nempe ubi te vidit nuncius, Arbor eras.
Arbor eras potuitque tuos decerpere fructus
Miles, & illusi ludere iussa ducis.
Protheus es; ne finge novas tamen usque figuras,
Nil te nobilius fingere, crede, potes.



*Deo templa erigens Thaumatur-
gus Montes movet.*

I Vpiter, Ætnæâ num sint sub Rupe Gigantes,
Perspice, num sobolem laxa relaxet humus.
Saxa volant, saxis Gregorius indidit alas,
Sidereas quatiant iam iuga iacta fores.
Non tamen ille Gigas, maior tamen ille Gigante,
Quæ non ulla movet dextera, voce movet.



Vigilantia Infulata.

BASILIVS
MAGNVS.

Basilius magnus
 Eruditorum optimus, & optimorum eruditissimus,
 Cum fuerit in nullo non maximus,
 Dubites, in quo maior esse potuerit.
 Sanctissimorum Parentum, Sanctissimus filius,
 In se perficiens, quod cœptum erat in suis,
 Maiorum probitatem, maiorem esse potuisse probavit.
 Nequitiam execratus, ante quam nosset,
 Virtuti suæ collactaneus, & Coævus.
 Nescias an eam ex institutione traxerit, an ex utero.
 Disciplinas aptus ad omnes, propensus ad singulas.
 Humaniores artes in se divinas effecit,
 Divinas verò Humanioribus perfici posse monstravit.
 Nazianzeno carissimus, quia simillimus,
 Seipsum in se despiciens, in Amico suspexit.
 Virtutes ita colens singulas,
 Ac si non appeteret universas.
 Extra Patriam diu, extra se nunquam,
 Præceptores suos melioribus imbuit artibus,
 Quàm fuerat ab ipsis imbutus.
 Magis assentantium laudes,
 Quàm Invidorum calumnias fugiens,
 Extra omniū oculos, ita se omniū oculis dignū effecit
 Ut nō deterius monachi normā expresserit, ac Episcopi,
 Virtutem

Virtutem non ideo adimens sibi, quod daret aliis;
Seipsum perficiendo, perfecit & cæteros.

Ad suadendum idoneus,

Qui, quæ diceret, suis probare posset exemplis.

Divitias negligens, nisi quas erogaret in pauperes,

Omnium se patrem fecit, & servum.

* Pluris æstimans veritatem, quàm Principum gratiã,

Illius dignitatem defendit acrius, quàm alii suam.

Quo propius ad metam accesserat,

Eò alacrius cursum intendens,

Vigilijs suis sopitos excitãs, Ieiunijs famelicos pascens,

Cum nec amaret vivere, nec timeret obire,

Hominum effugit ex oculis, non effugit ex animis.

Felix, cuius in vita nihil arguere valeas,


Nihil in doctrina damnare.



* **E** Vbulum enim sophistã præceptorẽ suũ ab Idolo-
latriæ nocte ad Christi lucem vocavit. Id ipsum

etiã Libanio persuadere curavit, irrito tamen conatu.

* Iuliani, & Valentis nequissimorum Cæsarum non
minus blanditias quàm tormenta contempsit, indig-
num reputans maiorem alienæ dignitatis, quàm suæ
fidei rationem habere. Bar. Tom. 4.



BASI-



BASILII VIGILANTIA

Iuliano Cæsari minus grata.

SI perit Alma Fides sit te revocante superstes.
Siruit, illa tuâ stet benè fulta basi.

Si gemit, exhilaras; si langueat, erigis ultrò;

Vnus enim fidei sufficis, una tibi.

Te sine ne pereat, facies scribendo perennem,

Æterna in tabulis sic erit illa tuis.

Tetimet hinc Cæsar. Cur nō amet ille? Quid hoc est?

Tam vigil es Pastor, quàm vafer ille Lupus.



BASILII VIGILANTIA

Pauperibus salutaris.

Vellicat ora fames, tacitis se moribus urget,

Iam legitur multa in fronte suprema dies.

Quid facies? Quò vela dabis? Tibi curta supellex,

Et te cum cupias vendere, nullus emit.

Prodigus extiteras, iam te propè fingis Avarum,

Nam cuperes pretium crescere posse tuum.

Fallor, vita tibi ni tam pretiosa fuisset,

Vilius ut posses vendere, posset eni.

GRE.

GREGORIUS NAZIANZENS.

Lenitas Infulata.

Gregorium Nazianzenum
Parentum Pietas mundo promeruit,
Dei Beneficentia dedit.

Ita natus est ut degenerare si vellet, malus esse non posset:

Ita vixit, ut imitari qui vellet, peccare nequireret.

Inter optimos educatus ad optima,

Se pessimum reputans, nisi faceret meliorem.

Adultam virtutem antequam polliceretur exhibuit;

Bonarum artium avidus, malarum incapax,

Vt Minervam raperet Athenas profectus,

Ita eum coluit, ut mereretur habere;

Ita habuit, ut à nullo dedignaretur accipere.

Basilio magno studius, & animo Suppar,

* Iulianum odit, etiam cum videretur amandus;

Ita de moribus iudicans alienis

Vt non officeret suis.

Nullius renuens esse discipulus,

Omnium ingenia collegit in suo:

Docere nunquam desinens, seu diceret, seu audiret.

Æquè benè dicendi, ac benè vivendi arte cōspicius,

Quò se melius nosceret cupiens ignorari,


Quam non amiserat innocentiam,

In Eremo quæsiuit.

Vocante tamen Patre, cogentibus meritis tractus ad
infulas,

Nescias

Nescias an laudabilius oblata reiecerit, an acceperit,
 Alienis facundus in laudibus, mutus in suis,
 Plura in se continens, quam laudaret in cæteris,
 Quos eleganter verbis expresserat, expressit & factis.
 * Nequitia in plebe corrigēs, in Principe nō dissimulās,
 Omnia cum sciret, fingere nescius,
 Se ad omnium normam effingens Poëtam egit.
 Non ideo minus utilis,
 Quod magis videretur amœnus.
 Prodesse cum vellet omnibus, nulli præesse, quam sibi,
 Vrbes deserere malens, quā invidorū turbis implere.
 Cū iā sui unius vellet esse colonus, secessit in campos.
 Inde etiam, & formidatus ab impiis, & fugatus,
 Debitam meritis sedem
 Cum non haberet in terris, invenit in cælo.
 Æquē expetitus cum esse desineret,
 Ac fuerat, antequam esset.




* **I**ulianum enim humanioribus artibus adhuc Athe-
 nis intentum, cum perditissimā mētem ementitæ
 pietatis regeret vultu, iā inde Nazianzenus agnoscens
 execratus est. Vt patet ex orat. in Iulianum.

* Alludimus ad orationes eiusdē habitas in Iulianum,
 quibus iniquissimi Principis nequitiam exagitavit.

Lege cautum fuerat à Iuliano, ne Christiani ullo
 librorum genere uti possent; Cuius rei gratia scripsit
 Nazianzenus Poëmata, Tragoedias, & alia ejusmodi
 quorum lectione bonis artibus adolescentia imbui
 posset. vide Baron. Tom. 4.

NAZIAN.



NAZIANZENI LENITAS

Perdito Iuveni salutaris.


Flgorat iratus Iuvenis, tonat ore minaci,
Iamque tuum stricto fulminat ense caput.
Ipse tui securus adhuc, non brachia Cælo
Dirigis; aut promptam poscis inermis opem.
Intrepidum timet ille animum, trepidusque furorem
Exiit, & mores induit ecce tuos.
Vtile utrique nefas, vitam servavit utrique,
Ille tuam petiit, sed tulit inde suam.



NAZIANZENI LENITAS

Suæ sedis invasori Benefica.

Fare, quid hostilem meritis tibi iungis amicum?
Mitis ut agna Lupos, in tua damna foves.
Quas paret insidias, quâ misceat arte venenum
Perspice, quàm vario vestiat ore dolos.
Sed video mala quæque hominum tolerantia curat,
Quæ tolerare potes, tollere damna potes.



Sapientia Infulata.
DIONYSIVS
AREOPAGITA.

Dionysius, ex Areopagi Iudicibus
 Selectus pro veritatis causa Patronus,
 Nescias an æquius gloriari potuerit
 Paulo præceptore Discipulus,
 An tali, tantoque discipulo Præceptor.
 * Æquè Astris intentus ac sibi,
 Virtutem, quam postremis in annis exhibuit
 Promisit in primis.
 Athenarum factus Antistes,
 Malas inde artes eiiciens, meliores induxit.
 Optimi cuiusque æmulator egregius, & laudator,
 Cum vellet à nullo dignosci nullum studuit ignorare.
 Romæ profectus, nobiliorem reliquit, quàm invenerat,
 Cum titulis suis iam posset addere,
 Quòd tantum hospitem excepisset.
 Inde profectus in Gallias,
 Immensam urbem, urbe maior implevit.
 Ita in divina delatus, ut ablati crederetur humanis,
 Mercedem nullam appetens, nullâ non dignus,
 Devota cælo víctima Sacerdotum gladiis exhibetur.
 Et feris obiectus, & flammis,
 Se utrisque fortiolem ostendit.
 Variis tentatus suppliciis,
 Cum nullum mereretur, nullum exhorruit.

Tandem

Tandem fremente Tyranno,plaudente cœlo,
 Elatus in montem,ne tantæ laterant faces,
 Cervice,non animo diminutus,edocuit
 Virtuti vitam non eripi,nisi velit amittere.
 Divinissimum caputin terram deprimi noscens,
 Cum iam in collo non esset,esse cœpit in manibus;
 Perire nesciens,quod tam bene vivere didicisset.

Beata Gallia

Quæ Præceptorem habere meruerit,
 Qui Divina æquè docere potuerit,ac patrare.



* **Q**uo tempore accidit Ecclipsis in Christi morte,cùm esset Dionysius Heliopoli una cùm Apollopheane studiorum Collega, rei novitate permotus exclamavit, Aut Deus naturæ patitur, aut Mundi machina dissolvitur. Vide Bar.Tom.primo.



DIONYSIVS

Adhuc in reciso vertice vivax.

Quæta tuis, Proh quæta tuis mens indita membris?
 Illa vel exciso in vertice regnat adhuc,
 An tua vita tuis tota in Cervicibus hæsit,
 Nec nisi in Augusto vertice totus eras?
 Fallor. adest animo nondum per vulnera suppar
 Exitus,est tanto vulnere maior adhuc.



DIONYSIVS.

Cœli Arcana cognoscit.

Q Vis te fidereas docuit dignoscere voces?
 An novus offenso lapsus ab Axe Gigas?
 Si perit æternò soboles æquæva Parenti,
 Astra tibi tantum non siluere nefas.
 Suspitor Astra tuos venari his artibus ignes,
 Non nisi cognatum sidera sidus amans.



Innocentia infulata.

BLASIVS SEBASTEN.

Blasium nemo vidit in terris,
 Quin eruditum putarit in cœlo.
 Virtutem cum lacte imbibēs, cum ætate corroborans,
 Fecit incertum,
 An in eo differret à virtute natura.
 Episcopum agens, antequàm fieret,
 Qualis esset futurus, edocuit antequàm esset.
 Ex Vrbe, quam sibi similem fecerat,
 Digressus in sylvas,
 Vt ampliaret animum, arctatus in specu,
 Divinitate suâ feras effecit humanas.

Felix



BLASIVS

Inter Feras illæsus.

Cernis in urbe feras; feralia lustra perosus
 Eripis Armeniis antra colenda feris.
 Te Regem fecere suum; cubat inde Leæna,
 Inde Leo Tigri iunctus, & inde Lupus.
 Stas medius, tacitisque animos, legesque ministras,
 Talibus excubiis est tibi tuta quies.
 Si non primus eras hominum, tibi prima potestas;
 Fallimur; & post tot sæcula, primus eras.

Liberalitas Infulata.

IO. ELEEMOSYNARIVS.

Ioannes natus in Cypro, educatus in Cælo.
 Futurus Dei Quæstor in terris,
 Debitum innatæ largitati Patrimonium,
 Cum nasceretur, accepit.
 Dignâ senio Iuventute transactâ,
 Sublimitatem Ingenii, Claritatem Virtutis,
 Exuere nolens, tegere nesciens,
 Quod esse minimum vellet, esse coactus.
 Ita Alexandrinos excoluit, ut sibi similes faceret,

Ita

Ita beavit, ut se conseio neminem gemere,

Neminem egere permetteret.

Plura semper appetens, quo plura daret,

Id unum habere se reputans, quod effudisset.


* Cum omnium augeret Ærarium,
nunquam imminuit suum.

Ita profusus in homines, ut Avarus non esset in Deum:

Cum hominibus dedisset omnia, vitam dedit & Deo,

Suis futurus utilior,

Si in postrema largitione tenacior extitisset.



Filius enim fuit Epiphanii genere Cyprii locupletissimi, ac clarissimi hominis.

* Non immoror hic diutius in miraculis, quibus divina largitas Ioannis largitatem excitavit, ut cum vasa mellea in Aurum conversa invenit, &c. Omitto alia de quibus fusiùs Authores.



IO. ELEEMOSYNARII

Largitas mira.

Quæ tibi de superis æraria credita Gazis?

Omnia cum tribuas, omnia semper habes.

Semper habes quodcumque avido partiris Egeno;

Quicquid opum pergas perdere, semper habes.

Omnia cum superis credas, Deus omnia credit;

Discit ab exemplo prodigus esse tuo.



IO. ELEEMOSYNARIVS

Æquè opum, ac vitæ prodigus.

Quæ tibi sufficiant Lydi patrimonia Cræsi?
Solutus Erythreas dilapidabis opes.

Instaurate novis, Superi, data munera gazis,
Si careat vestris, hauriet ille suas.

Factus inops nec parcus adhuc; quid prodigat ultra
Nescius; est vitæ prodigus, ecce, suæ.

Quantus eras, quantumque tuæ magis utilis urbi,
Discere si poteras vel semel esse tenax?

Charitas Infusata.

IGNATIVS ANTIOCHENVS.

Ignatius Antiochenus

Dignus Ioanne Præceptore discipulus.

Quem vincere non speraverat æquare curavit.

Animo quàm tempore Christo propinquior,

Ita eum expressit, ut se vidisse probaret.

Antiochiam sudoribus alluens, flammis incendens.

Vivere nesciens, nisi vitam omnium tueretur,

Splendoribus suis Tyranno proditus:

Ventilari potuit, non extinguì.

Vt Leonibus Leonem objiceret, Romam vocatus,

Non secus ac ad alterius supplicium properavit ad suum.

Illius

* Illius Panis esse Percupiens,
 Qui se panem fecerat omnium.
 Intimo nimis ab igne concoctus
 Bestiarum dentibus frangi voluit.
 Qui homines in Deū incenderat, feras in seipsum incēdes,
 Nunquam securior, quā cum periret:
 Mortem metuere nesciens, provocare non metuens,
 Non in solo Capitolio Romæ triumphari posse
 monstravit,




* **N**otissima sunt Ignatii verba, Frumentum Christi sum, dentibus bestiarum molar, ut panis mundus inveniar.



IGNATIVS

Charitatis ardore totus igneus.

Ignis erat, dabat ore rogos, dabat ore favillas,
 Frigora depulerat mentibus, ignis erat.
 Ignis erat, quamvis liquidis equitaret in undis,
 Demersusque freto cresceret, ignis erat.
 Ignis erat, fugit obiectum Leo territus ignem,
 Quem tetigisse negat dentibus, ignis erat.
 Ignis erat tandemque feras accendit in ignem:
 Pulvere in exiguo desuit, ignis erat.



IGNATII CHARITAS

Cum Leonum feritate colluctans.

SÆvit in Herorum furiatâ mente Tyrannus,
 Invictumque parat vincere morte Ducem.
 Excitat immites Circo plaudente Leones,
 Apponitque avidis prandia dicta feris.
 Sed rabidas scelerare negat dum sanguine fauces
 Bellua, ab illæso corpore vita fugit.
 Non fuit immundo panis violandus ab ore
 Qui cibus ætherei debuit esse patris.



Magnanimitas Infulata.

PETRVS ALEXANDRINVS.

Petri Alexandrini vitam
 Non ideo deteriorem putes, quod sit ignotior morte,
 Pretiosam enim mortem non nisi vitæ meritis emit.

Eo sæculo natus,
 In quo si miser esse noluerat, Probus esse non posset.
 Ita affluevit ærumnis, ut eas etiam adamaet,
 Optimo antistiti suffectus melior,
 Ut Dioclesiani Furiis
 Parem Ægyptus objiceret Ducem.

Ita

Ita desudavit in suorum roboranda constantia,
 Ut etiam sine Tyranni gladio gloriose posset obire.
 Ita intimus Christo,

Ut eius etiam arcana cognosceret,
 Eius tunicā lacerantē Arium usque adeo est detestatus,
 Ut se nequiores Ario crederet, si Ario pepercisset.
 Carceri mancipatus se talem exhibuit,
 Quales suos esse voluerat.
 Tandem eo felicitatis genere felix,
 Quod infeliciores esse vix posset,
 Ereptus supplicii evolavit in cœlum.



Vixit enim temporibus sævissimorum Cæsarum⁹
 quorum furis usque adeo iactati sunt Christiani,
 ut in nihilum arbituri crederentur.

* Successit enim Thæoni Sanctissimo homini, cuius
 laudes fufus celebrarunt scriptores Ecclesiastici.




PETRI ALEXANDRINI

MAGNANIMITAS

Christum solatur.

CArcere clausus eras; Cœlum sed liber adibas,
 Quin tuus Aligeris carcer, Olympus erat.
 Summus adest genitor, teneros collectus in artus;
 Sed lacera ex Arii crimine vestis erat,
 Dumque suos aperit questus, solatia reddis,
 In gremio lacrymas perdit & ille tuo.
 Quanta inerat tibi vis animi? si dicere fas est,
 Vel Deus est animo visus egere tuo.



PETRI ALEXANDRINI

MAGNANIMITAS.

Ario Infensa.

Colla merit lictor, veniam vitamque recepit,
 Ast Arius veniam dum rogat, usque negas.
 Damna tibi fecere pares: Heus, Fate, quid hoc est?
 Ille mihi vitam sustulit, iste Deum.




Fortitudo Infulata.

POLYCARPVS
 SMYRNENSIS.

Polycarpus Smyrnesium Præceptor, & Parens,
 Patriâ non moribus Asiaticus,
 * Etiam in Asia fortes nasci, & ali posse probavit.
 Christi discipulis ætate coævus, munere succedaneus,
 Virtutis quam collegit ex omnibus se fecit Epitomen:
 In hoc mirandus; quod ita omnes unus expresserit,
 Ut dum viveret, eorum neminem periisse putares:
 In hoc amandus quod se non crederet esse, quod erat.
 Ingenio virtutem illustrans, ingeniumque virtute,
 Perditos

* Perditos novatores moribus damnavit antiquis.
 Suorum incolumitatem negligere nesciens,
 Suam, tueri non valens,
 Tyrannum non metuens, nisi cum mitior videretur,
 Vitam suam moriens clariorem fecit in flamma.



* Ita malè audiebant apud antiquos Asiatici, utpote
 Imolles, ac voluptuarii, ut apud Lacones lege cautū
 fuit, ne quis abiret in Asiā; imò verò malè sit exceptus
 aliquando adolescens, qui viam, quæ eò duceret, se
 cognovisse jactaret.

* Emergentes hæreticos usque adeo execratus est Poly-
 carpus, ut cum semel dum Romæ esset, in Marcio-
 nem offendisset, Rogatus ab eodem an illum agnos-
 ceret; utiq; respondit, te Satanæ Primogenitum esse
 pernosco.



P O L Y C A R P V S M O R I E N S

Ignem extinguit Sanguine.

Q Væ nova de medijs jacularis flumina flammis?
 Qui novus accenso surgit ab igne liquor?
 Sanguineas vomit ignis! aquas, rutilumque nitorem
 Perdit, & roseo naufragus umbre perit.
 Esse rosas, non esse rogos quod in igne putares;
 Arida ne fierent semina, fonte rigas.


PO-



P O L Y C A R P U S

In flammis illæsus.

D Vm trahitur mediósque ruit Polycarpus in ignes
 Credidit esse rogos, coniperit esse rosas.
 Sævit adhuc, supraque suos accenditur ignes
 Barbarus, & flammis uritur ille suis.
 Ligna rogo geminat, geminat sua damna sibi uni
 Noxius, ille suo solus ab igne calet.
 Barbare, quid pergis? non igne extinguitur ignis;
 Si renuas aliis parcere, parce tibi.



Beneficentia Infulata.

E P I P H A N I U S C O N S T A N T I E N S I S.

Epiphanius
 Urbium bono natus in sylvis,
 Pecundum Pastor cum esset.....
 Pastor esse meruit Populorum.
 *Cum deteriori fortuna deteriore exuens sanctitatem,
 Ex Iudæo, & Christianus, & Monachus;
 Qualis esse deberet inter homines, didicit inter feras.
 Div

Diu peregrinatus, ut Christi Patriā veneraretur, & suā;

* Dum fugeret insulas, delatus in Insulam,

Frastra quærere latebras,

Quem Deus latere nolit, edidicit.

A Constantiensibus factus Antistes antequā cognitus,

Se talem exhibuit, qualem eum esse decebat,

Quem Deus non homines eligissent. (Deus

Illis placere nesciens quib. nec in omnib. placeret

Injurias beneficiis ultus, edocuit

Non plura se potuisse patrare, quàm pati.

Tandem Annorum numerum exæquans meritis,

* Multiplici tempestate jactatus defecit in mari.



* **E**piphanus pastorem filius ditissimo homini carus, ab eodem filiam in matrimonium accepit. Qua paulo post mortuā ejusdem hæres est constitutus. Hanc igitur occasionem nactus in bonarum artium studiis divitias insumebat, donec Christianæ philosophiæ, quam omnibus meliorem agnoverat, nomen daret.

* Prædixerat Epiphanio Vir miræ probitatis eum futurum Episcopum; fugam igitur meditatus Hierosolymam abiit, ubi se ignotum futurum speraret, ortâ autem tempestate delatus in Cyprum, Constantienses, eum tanquam Episcopum expectantes, invenit.


Cum Bizantio Constantiam solveret, ætatis suæ Anno centesimo supra quartum decimum, ingenti ortâ tempestate, antequam ad litus appelleret moriens Io. Chrysostomi Vaticinium implevit, qui abeunti prædixerat, eum in itinere periturum.



EPIPHANIO

*Mortem Luscus intentans alterum
recipit oculum.*

ECce tuas nunc meretur lumine Gazas
Luscus, & eliso cardine furta parat.
Poscit opes; premit ense caput, cum nulla superes
Præda, tuum, dixit, sit mihi præda caput,
Ille sed illicitam faceret dum vulnere messem,
En prius exclusum lumine lumen habet.
Corruit in gemitus, quin te jam pronus adorât,
Iamque suum melius perspicit ille nefas.
Ille oculo quondam non te bene viderat uno,
Lumina dum geminas, te videt atq; timet.



EPIPHANIVS AVARO

Binos eripit oculos, unum reddit.

Poscit Avarus opes, quas tu Patrimonia Vulgi
Feceris, instat, agit, teque, tuosque premens.
Lumina dum quærit, rutilum quæ fecerit aurum,
Nulla retrocedens lumina cæcus habet.
Ille suum melius cernens sine lumine crimen,
Poscere suetus opes poscere cœpit opem,
Incipis esse tenax, alter dum cessat, utrumque
Postulat ille oculum, reddere utrumque negas.
Unum habet ille tamen, Te fecit avarus avarum,
Lumina qui repetit bina, negare docet.

**INFVLATÆ
VIRTUTES**

IN SANCTISSIMIS.

**OCCIDENTALIS
ECCLESIAE PATRIBVS
EXPRESSÆ.**



Infulata Sapientia.

AVGVSTINVS
HIPPONENSIS.

Aurelius Augustinus

Octavo decimo Constantii anno natus,
* Non nisi Theodosii decimo vivere cœpit,
Primam ætatis partem ne quæras; in cœno perdidit.
Felix, qui demum scierit amissa redimere,
Felicior, qui potuerit.

Vera gaudia auspicatus, à gemitu,
Initiandus sublimioris doctrinæ Magister
Librum è cœlo jubetur accipere,
Sordes suas speculatus in pagina,
Vt eas vel obrueret, vel elueret,
* E Matris oculis lachrymas transtulit in suos.
Sibi, Matri, & Patriæ redditus,
Tenebras suas, dum in lucem edidit, illustravit.
Nunquam videlicet soleni puduit è tenebris erupisse.
Nullius honoris avidus, omnium capax,
Meruisse contentus, habere contempserat,
Nisi plus merita, quam demissio potuissent.
Æquè scribenda faciens, ac legenda describens.
Moribus suis fidem ornavit, stylo defendit,
Veritatis amantior, quam sui.
Defæcavit infectam, refecit extinctam,
Vtilis, dum errores detegeret alienos,
* Sincerus, dum nec tegetet suos.

Hom-

Homine major in divina confurgens,
 Ita Deum descripserat, ac si vidisset;
 Nisi Angustias suas Augustū etiam sensisset ingeniū.
 Iamque non habens ultra quid disceret, vel amaret;
 Æquē annis ac meritis gravis,
 Obsessa ex urbe migravit in cœlum.
 Felix Africa,
 Si crebrius hujusmodi monstra proferret!



EO enim tantum anno sub Christi Iesu, Virtutisq;
 stipendiis merere cœpit.

* Tunc enim primū de filii salute sollicita mater
 esse desit, cum Augustinum antea etæ vitæ sordes
 lachrymis lucentem aspexit.

* Scripsit enim Retractionum libros, in quibus er-
 rores suos eâ libertate qua olim alienos correxit.



AVGVSTINI INGENIVM

Dei unius non capax.

SVpra hominum, mundi; vias, supra omnia surgis;
 Non capit ingenium, terra, fretumque tuum.
 Te tamen usque capis; Mundo tu major utroque,
 Quem capere haud valeat mundus uterque capis.
 Si capis usque Deum, potes & Deus alter haberi,
 Et mihi post Trinum quartus amandus eris.
 Parce tamen, minor ipse Deo; te mundus uterque
 Non capit; at vires vix capis ipse tuas.



AVGVSTINI SAPIENTIAE

Librum exhibet Cælum.

Astra pluunt tacito lacrymarum semina nimbo,
 Illa pluunt animo sensa pudica tuo.
 Plaude; tibi nova lux oritur, nova pompa diei,
 Lapsus ab Axe liber semina lucis habet.
 Accipe; Dona tui sunt hæc meliora magistri:
 Doctorem terris sic norat esse suum.
 Tam bene fidere pingas quod gaudia mundi
 Quid mirer? libros Astra dedere suos.




Vigilantia Infulata.

AMBROSIVS MEDIOLANENSIS.

Ambrosius re, quàm nomine dulcior,
 Mel antè habuit in ore, quàm voces.
 Avorum gloria nobilis, nobilior sua,
 Christianus antè cæpit esse quam fieret.
 E Prorege destinatus Antistes,
 Subiratus virtuti suæ quod latere nesciret; effugerat,
 Si cum sola hominum suffragia delegissent.
 Laboribus suis alienos absumens;

Nulli

Nulli non intimus omnium sensit incommoda;
 Ita miseros audiens, ut felices dimitteret,
 * Ita feliciores admonens, ut linqueret infelices.
 Principibus æquè carus, ac utilis,
 Veneratus ut Patres, correxit ut Pater.
 In hoc verendus, quod contemneret neminem,
 In hoc timendus quod neminem formidaret.
 Christi causam reputans suam,
 Ut depressam erigeret, sæpe depressus,
 Facundia hostes deterruit, constantia fregit.
 Aures suas obstruens nulli, vocè omnibus exhibens;
 Fecit incertum, audiendone magis profuerit, an dicendo,
 Vocem virtute corroborans,
 Disertissimus etiam cum taceret,
 Nunquam avidius optabatur audiri,
 Quàm cum diutius esset auditus.
 Probis factus Asilum, flagellum improbis,
 Urbem suam cò meliorem reliquit, quo deteriore acceperat.
 Deficiente natura nulli deficiens,
 Ita Præsulè se esse meminerat, ut senem se esse nesciret.
 Quorum mores expresserat, veneratus exuvias
 Exhibitos aliis honores promeritus
 Vitam mutavit verius, quàm amisit.


 * C Vm enim nondum nomen dedisset Christo, ita
 tamen vivebat, ut adhuc Catechumenus in Epis-
 copum sit electus.

* Cum aliquando in domum cuiusdam, qui se felicis-
 simum diceret, ex itinere divertisset, inde præcipiti
 gressu fugiens hominem monuit, ut caveret sibi; om-
 nes videlicet illi calamitates in una imminere; quod
 probavit eventus: Paulo post enim domus ruinâ obru-
 tas interijt unà cum suis.



AMBROSII VIGILANTIA

Arianis ingrata.

M El fueras, te nôrat Apis; Quis fecit acerbum?
 Ambrosia, ut fueris, vix tamen ullus amat.
 Vix superi Ambrosio Cives pascuntur; alumnos
 Crede Erebi, superum queis minus esca placet.



AMBROSIVS

Vel in imagine Vigilans.

F Lagra, rotas, vultuq; minax fera verbera torques,
 Inque tuis rutilat flamma timenda genis.
 Vita deest; tibi prima tamen non deficit ira;
 Lux cadit ex oculis, non tamen ira tuis.
 Scilicet excubias vigili quoque perficis umbra;
 Est tua terrendis hostibus umbra satis.

Infulata



Infulata Liberalitas.

PAVLINVS NOLANVS.

Paulinus ad felicitatem Italiae natus in Gallia,
 Optima quæque, cum posset, elegit,
 Cum non posset, quæ eligere potuisset accepit.
 Illis è Parentibus ortus qui talẽ mererentur hæredem,
 Ita quæsiuit ex moribus claritatem,
 Ac si nullum habuisset ex genere.

* Musis amicus, ut earum levitatem gravitate corriperet sua;

Poëtam solo exprimens nitore carminis,
 Artem omnem virtuti vectigalem effecit.

Asscutus Vxorem, quam tales decerent nuptiæ,
 Ut omne vitæ genus suis erudiret exemplis,

* Sponsã Christo potius visus est accepisse, quàm sibi.

Diu peregrinatus, ut luci suæ latebras quæreret,

Quo se magis circumageret, magis accensus,
 Illis se prodidit artibus, quibus abdere studuisset.

Cum omnia arriperet sibi, ut in egenos effunderet,

Coactus unà cū opibus operã suã Nolanis impendere,
 Ita salutem curavit animorū, ut nō negligeret corporū:

Aliorum nunquam oblitus, sui sæpe non memor,

Vitupare sibi non appetens, nisi omniū calamitates.

Quem in se vitæ amorem extinxerat, excitavit in suis.

Interceptus à Barbaris, ne melior sua esset,

quàm Nolæ conditio,

* Omnium infelicissimus, si ullo felicior extitisset:

Nunquam se miserum doluit,

Nisi cum æumnarum socios habere se vidit.
 Libertati redditus, libertate sua redemit alienam,
 Nunquā liberalior, quā cū nō haberet ultra quod daret.
 Ex Africa in Italiam, ex Italia reuectus in coelum,
 Felicitatem, quam suis vivendo creaverat,
 Abstulit obeundo.
 Præsulum Norma, quod ita vixerit;
 Gloria, quod ita scripserit.



FVit enim Poëta celeberrimus: Poëtarum tamen
 vitiis caruit non virtutibus.

Cum sponsa enim tanquam cum sorore vixit, cum
 in Gallia, tum in Italia.

Nolâ enim à barbaris captâ, ipse etiam diu captivus
 in carcere detentus est, & vario suppliciorum genere
 exagitatus. Vide Bar.



PAVLINI CHARITAS

*Magnis à Cælo muneribus
compensata.*

LVget inops, escamque rogar, nec Egenus Egenū
Abjicis, exhibitam non probat uxor opem.
Quod superest, tres ferre jubes in prandia cistas,
Abdidit illa unam, prodidit illa duas.
Ecce tibi geminæ veniunt ad littora puppes,
Tertia nempe oculos mergitur ante tuos.
Discit Avaritiæ Pelagus: tribus eripit unam,
Est Pelagi in misero quæ fuit antè fames.



PAVLINVS

Libertatem suam alienæ pretium facit.

POscit opem miseranda Parens natumque reposcit
Quod matri posses credere, solus eras.
Illa petit: dare non renuis; licet omnia defint,
Solut quod possis vendere semper habes.
Libertas pretiosa nimis, si dicere fas est,
Invenit pretium par semel illa tibi.



THOMAS CANTVARIEN.

Charitas infulata.

* Thomas Cantuariensium Athanasius,
 In Patriæ natus incendio
 Nunquam aut frigidus esse potuit, aut obscurus.
 Æque naturæ, ac hominum beneficiâ expertus,
 Ita Regi placuit, ut alterum penè faceret Regem,
 Ita Deo, ut alterum penè redderet deum.
 Cum ita placeret omnibus sibi, uni non placens,
 Et Regis, & Dei suffragiis factus antistes,
 eò devenisse se doluit,
 Vbi Deo placere non posset, & Regi.
 Quò sublimius ascenderat, eò fludens clarius emicare,
 Mutuatus à virtutibus radius esse coepit illustrior,
 Quàm, posset ab invidorum oculis tolerari.
 Principum legibus obstare paratus, si divinis obstarent,
 Cum Regi dare non posset, nisi quod adimeret Deo,
 Ingratus videri maluit, quàm esse,
 Cedētib. cæteris quod unus & sibi sufficeret & veritati,
 Aulæ jam gravis, quia levis esse nesciret,
 liber esse non posset.
 Nobilis exul ubique patriam inveniens,
 Optimam causam, tolerantia sua meliorem effecit.
 Nunquam memor injuriæ, nisi ut condonaret,
 Suorum ærumnis indoluit, non doluit suis,
 Tempori serviens, ut Deo serviret impensius,
 Inter monachos ita vixit in sylvis,
 Ac si nunquam inter aulicos vixisset in urbibus.

Corpo-

Corpori suo ea inferens damna,
 Quæ vix Tyrannus inferre voluisset.
 Exilium sæpè permutans, animum nunquam,
 Revocatus in patriam, ut inde patricidio pelleretur,
 Maluit adulatorum gladiis inter Aras occumbere,
 Quàm Adulator in Aula regnare.



* **E** A ipsa die, qua Londini in Anglia natus est Thomas, igne in ejusdem ædibus excitato, tota penè Civitas conflagravit.

* Pulsus ex Anglia una cùm suis ab eo ipso Rege, qui eum summis honoribus decoraverat, diu in Gallia inter Monachos sanctissimè vixit, corporis afflictationibus ita deditus, ut omnibus prodigii loco esset.



THOMÆ NATALITIVM

Patria incendio illustratur.

F Lamma tuis instat dirum natalibus omen,
 Te peperisse rogo credidit ægra Parens.
 Ambustum Patriæ nascens fumare cadaver
 Perspicias, est vitam flamma sequuta tuam:
 Non timet Vrbs flammæ: potuit contemnere. Sed cur?
 Nascitur amissis qui meliora daret.

THO-



THOMAS

*Regis furiis cedere nesciens occiditur
ad aras.*

Quam te barbaricâ despectat fronte Tyrannus?
Heu tibi fit licitor, qui fuit antè Parens.
Despicias, expectas gladios, læto excipis ore,
Quæ spernis Regum vùlnera ferre potes.
Occidis, atque tuo minias sacra templa cruore;
Regali fueras victima danda manu.



Infulata Lenitas.

MARTINVS TVRONEN.

Martinus Constantii miles antequam Christi,
Nescias an militiam laudabilius adierit an abjecerit.
Gloriâ nō minùs ex moribus appetens, quàm ex armis,
Fortitudine militem retulit, virtute monachum.
Christo jam militans, cū nondū merere mūdo cessasset;
Nudus esse malens quam parum pius,
Dei beneficentiam provocans suâ,
Chlamydis parte totū emit Empyreum.
Cum infures offenderet, suâ securitate defensus.
Illis

Illis nequitiam eripuit, qui sibi vitam rapere voluissent,
 Æq; beneficus, cū hæc adimeret, ac cū traderet meliora.

Nihil ab Erebo metuens, nihil à cœlo non sperans.
 Cum vivos bene mori doceret, mortuos bene vivere
 docuit. (membris:

Homine major, seu vitam daret animis, seu redderet
 E Cœnobio coactus ad insulas,

Cum nemini deesse curaret, monachus esse nō desit.

Non minus admirandus cum Chlamydem dividerent

Quàm cum hæc ita divisa connecteret.

Cū miseris donaret omnia molestis omnia cōdonaret:

Nihil habens quod Dei causa non daret;

Nihil appetens, quod à Deo non acciperet.

Illustravit virtute prodigia, prodigiisque virtutem.

Ita reveritus homines, ac si timuisset,

Ita Deum, ac si non amasset.

Se unū habuit, quē contemneret, unū quē non amaret.

* Laborū nunquā avidior, quā cum diutius laborasset.

Cum inter homines nil nisi cœleste saperet.

Inter Cœlites, nihil humanum,

Ita voluerat in Cœlis gaudere cum Deo,

Vt non desineret in terris desudare cum suis.

Votorum litem componens totus clatus in cœlum

Nescias utiliorne terris fuerit, an Cœlo carior.

* **O**ffenderat in Latrones Martinus, Stricto gladio
 rogant an timeret. Ridet ille; & se nunquam
 minus timuisse testatur, sperasse enim in majori dis-
 crimine sibi Deum propius affuturum. Qua securitate
 permoti fures, eum secuti in cœnobio sanctissimè
 senuerunt.

* Cum suos jam moriturus videret gementes, in ea
 notissima verba prorupit, si populo tuo sum necessarius
 non recuso laborem, &c

MAR-



M A R T I N I

IN MISEROS

Clementia singularis.

N Vdus adest, tremulisq; probat sua damna lacertis,
 Depressioque oculos sauciat ore tuos.
 Est tibi sola Chlamys, stricto quam dividis ense,
 Et Chlamide ex una, réque, inopémq; regis.
 Dividis? at rectum cernes dum veste Tonantem,
 Quam cuperes partem non habuisse tuam?



M A R T I N I L E N I T A S

Latrones à latrociniis advocat.

D Vm tua multiplici premitur Latrone Crumena,
 Ille aurum, vitam postulat ille tuam.
 Ast hilari tu fronte minas contemnis, & aurum
 Ore vomens, aurum ferrea corda facis.
 Fausa latrocinio pietas; quod posceret aurum
 Tu dare non poteris; quod potes inde dabis:
 Felix quisque tuas cupiat decerpere Gazas;
 Virtus quam possit carpere, sola tibi.

Magna-



Magnanimitas Infulata.

CYPRIANVS CARTHAGI.

Cyprianus,

Vt Africæ geminaret ardores, natus in Africa,
 Nobilitatem quam nascendo meruerat,
 Vivendo fecit amplissimâ, immortalẽ reddidit obeũdo.
 Equè fœcundus ingenio, ac facundus eloquio,
 Nunquã discere renuens: nunquã dedignatus docere,
 Suum etiam Carthagini Tullium dedit,
 Vt quando desierat armis cum Roma contendere,
 Eam conaretur facundiã superare.
 Nihil se scire reputans, cũ Deum se ignorãsse cognovit,
 A Cæcilio & mores accepit, & Nomen;
 Futurus maximus, cum Christi quæreret gloriam.
 Qui ita magnus extiterat, dum tantũ quæreret sua,
 Sibi uni utilis esse jã nesciens, Deo ingratus esse jã nolẽs
 Acceptam lucem ita diffudit in cæteros,
 ut in se non minueret.

Pro veritatis patrociniõ sæpe progressus in forum,
 Ratus intempestivam in tam bona causa facundiam,
 Eam ita neglexit,

* Vt tantæ Cypriani negligentix nulla solertia
 possit æquari.

Quo propius ad Deũ accederet, ab uxore, natissq; recedẽs
 Cum se deprimeret infra cæteros,
 supra cæteros meruit collocari.
 Præsul esse gavisus,

Quod

Quod è sublimiori specula aliena melius
spectaret incommoda

Se grassante suis probavit medicum,
bacchante Tyranno Patronum.

Barbarorum sævitiam præcavens non effugiens,

Cum omnium animos in se uno servaret;

Diu delituit, non quia timidus sed quia prudens,

Cum tuto posset adhuc latere,

& honestè jam posset erumpere.

Suis æquè utilis cum lateret, ac cum erumperet,

Quos sæpius verbis accenderat, accendit exemplis.

* Non illibentiùs vitam amittens, quàm alter eriperet,

Quæ virtutibus accenderat odia extinguès sanguine,


Se ita vixisse, ut strenuè mori mereretur ostendit.



* **T**Estatur de sciplo Cyprianus eodem studio, quo
cæteri excolere curant Eloquentiam se curasse
negligere, postquam à Oecilio est vocatus ad Christum.

Nihilominus tamen ejus facundiam non solum La-
tantiùs, Nazianzenus, Hieronymus, Augustinus, sed
universa posteritas admirata est.

* Ad supplicium ductus viginti quinque aureos, qui
sibi superfuerunt, Carnifici tanquam de se optimè me-
rito dari jussit.



C Y P R I A N V S

Novum in Africa monstrum.

ALLEGORIA.

QUam variū, quantūmq; sibi parit Africa monstrū?
 Mane fuit corvus, vespere Cynus erat.
 Gutturā si moveat flammās jaculatur, & ignes,
 Igne flagrat, ullas vix tamen horret aquas.
 Si volat, Empyreī fastigia summa pererrat,
 Utque necem fugiat, non timet usq; necem.
 Vnum erat; at monstre quot monstra includit in uno?
 Nobilius monstrum vix dabit ulla dies.



C Y P R I A N I

In Morte magnanimitas.

QUæ nova mōstrifero renovas portenta sub Axe
 Vitam quò valeas perdere vulnus emis.
 Vita tibi pretiosa fuit, quid prodigis? an mors
 Ut pretiosa tibi cedat emenda fuit.

Forti-



Fortitudo Infulata.

EVSEBIUS VERCELLENSIS.

Eusebius Vercellensis
 Non ad unius gloriam Provinciæ natus
 In Sardinia vitam, in Latio fidem,
 In Insubria Palmam accepit.
 * Romano Pontifici à Matre creditus Puer;
 Vt sub eodẽ præceptore Eusebius erudiretur, & mûdus,
 Cujus virtutem acceperat, accepit & nomen,
 Roma se dignum non reputans,
 Nisi addictâ spectaculis urbẽ novo pasceret spectaculo,
 Virtutes omnes in se tanquàm in theatro circûtulit.
 Cum ipse Romæ, non ipsi Roma sufficeret,
 Monachorum mores è Græcia in Italiam devehens
 Novæ philosophiæ & auctor esse meruit, & ideæ.
 Vercellas accitus
 Vt Urbem antiquissimam suâ innovaret industriâ,
 Nolens ita vacare cæteris, ut sui se vellet oblitum,
 Dignus visus est,
 Qui ut præiverat monachis, ita & præiret Episcopis.
 Vt virtutes meteret, vitia demetens;
 Vt veritatem firmaret, errores enervans.
 Illis diu placere non potuit,
 Quibus æquè virtus, ac veritas dispiceret.
 Athanasium damnare renuës, ne se quoque damna-
 ret, Maluit cû eodẽ exul abire, quâ Iudex in eundẽ sedere,
 Infelix Italia, si quẽ daret Athanasio sociû nõ habuisset,
 Ita

Ita exilium tolerans, ut videretur optasse,
Ita suos literis roborans, ut vix crederetur abiisse,

In pessimi Principis funere reviviscens,
Urbi suæ redditus eam reddere studuit veritati.

Iterum tamen frementibus iis
Qui æquè in se, ac in aliis probitatem odissent;
Multiplici supplicio deleri potuit, non terreri.

Dignus qui veritatis annos æquaret,
Qui obrutæ superesse noluerit veritati.



* **C**um Eusebius Pontifex maximus ad Ecclesiæ
Clavum federet, Eusebius, qui nondum ab E-
phebis excesserat, Romam est à matre deductus, &
summo Pontifici oblatus, ut eum erudiret, quem me-
liorem demum vitæ authorem agnoscens Eusebius,
eius nomine voluit appellari.

* Cum sub Constantio Cæsare Athanasium Alexan-
drinum damnare renuisset Eusebius, est relegatus in
Phrygiam, unà cum Dionysio Mediolanensi Episcopo,
& Hilario Pictaviensi.



EVSEBIUS ATHANASIVM

Damnare recusat.

Alter avernalem refecas Athanasius Hydram,
Unica in Alcides incidit Hydra duos.

Alter ut Euristheus socium damnare Gigantem

Percupit, idque dolis quærit habere tuis.

Condemnare tuos alieno in nomine mores

Ipse negas: te sub iudice causa tua est.

E V S E B I I

In exilio Fortitudo.

E St tibi nulla quies, terras iactaris in omnes
 Visa tamen tecum est pulsa, repulsa fides.
 Te sequitur quoque pulsa fides, Phrygiámque pèrerat,
 Discit ab exemplo fortior esse tuo.



CAROLVS BORROMEVS

Infulata Charitas.

Carolus Borromeus

* Natus cum novo lumine geminus,
 Se tenebrarum non esse filium vel nascendo probavit,
 Avorum gloriæ memor, ut eam geminaret in sua.
 Se talem exhibens in Pueritia, qualem optasset in senio.
 Virtutum iter nescias an potuerit absolvere sanctius,
 An inchoare maturius.
 Infra probitatem nil habens literis carius.
 Probitate nil reputans pretiosius.
 Cum artes non appeteret, nisi quas optare debuerat,
 Obtinuit, quales optârat.
 Pio Quarto affinitate carus, virtute carissimus.
 In Atlantis suffragium novus accitus Alcides,
 Etiam sine socio mundum ferre se potuisse probavit.

Non

Non tam alienæ beneficentiæ quàm meritorum suorum suffragio,

Purpuratis adscriptus.

Iure dubites an maiorem dignitati contulerit,

An à dignitate reculerit dignitatem,

Vt Patriam virtuti redderet, Patriæ redditus.

Nunquam mentem suam acuratiùs coluit,

Quàm cum etiam coleret alienam.

Virtutum semina voce manuque jacens,

Sudore ac lachrymis alluens.

Dignam laboribus messem obtinuit.

Dignam messe mercedem accepit.

Vt securiùs quiescerent sui, quietem adimens sibi,

Venalis omnibus, si pretium habuisset,

Nescias an omnium Pater esset, an servus:

Animi sui nitorè in templis exprimens, vastitatè in donis,

ut auri prodigus, ita vitæ minimùm tenax,

* Quàm nõ amaret utrùmq; in Pestilentia demonstravit,

At non ita Carolum amaverat Deus, ut Caroli gregè edisset.

Vitam accipere renuens, quã solam non posset accipere,

Mori volentem coëgit vivere,

Donec fatigari nescium tertis eriperet, cœlo redderet,

Gavissus in ætate ferrea aureum hominem revixisse.



EO enim ipso, quo natus est tempore, novo quodam lumine matris cubile refulsit.

* Grassante enim pestilentia non solum opes in miserrorum subsidium erogavit, sed vitam suam, ut alienam servet in certum discrimen adducit,



CAROLI BORROMÆI

Mira in pauperes Charitas.

PRODIGUS esse aliis poterat tibi factus avarus,
 Cùm nihil ipse habeas, prodigus esse potes.
 Vertere velle solum te suspicor; omnia vendis.
 Quæris opes tecum semper habere tuas.



CAROLI CHARITAS

Pesti Timenda.

ECCE manu geminâ diram quatit aspera falcem.
 Et viduat miseram mors sine lege domos.
 Obvius esse potes; te transeat illa paratam.
 Sæpe etiam visa est præteruisse dapem.
 Vilis erat tibi vita; potest mors credula vilem
 Temnere, decepta est sensibus illa tuis.

Bene-



Beneficentia Infulata.

REMIGIVS REMENSIS

Remegius ingens Galliæ prodigium,
Ingenti prodigio natus est.

Vitâ prodigiis inchoâs prodigiis transiens, & absolvēs
Hoc primum edidit in orbe prodigium,
Ut sterile parentum senium foecundaret.

Non deterior esse cū cœpit,
Quàm promissis fuerat, antequam esset.

Lacte quod suxerat, cæco reddidit oculos.
Agēte Deo, ut cū nova luce, novi etiā oculi nascerētur,
Prima in ætate inchoans, quod perficeret in extrema.
Crederes è senibus, senem natum, esse, non puerum
Ne cautior esse desineret clapsus ad cautes.

Se victorem facere studens,
Vbi nullus erat, quem vinceret.

Seipsum impugnans, de seipso etiam triumphavit;
Dignus quem cogerent præesse Remensibus.

Cum scita bene præesse cogeret sibi.
Adolescentiam præcoci senectute nobilitans,
Labores suos quo inchoavit ardore confecit.


Nanquam ad metam aspirans.
Quod nullam pateretur habere.

igneum credidisses,
Nisi quod sæpe excitatos ignes extinxit,
Peccata nesciens, nisi ut corrigeret.

Ærumnas omnium scire cupiens, ut curaret.
Dei largitatem implorans, cum humana deficeret.

Cœlum telluris alumnis; terram cœli donis implevit.
 Invictissimum Regem Christi Regno subiciens
 Galliam universam cœlo vectigalem effecit.
 Regibus maior, cui tanta licerent in Reges.

Extrema in ætate cæcutiens
 Ut cæcitatem curare se, & tolerare potuisse probaret;
 Vnam in ea dignoscens commodum,
 Quod se melius videre iam posset.
 Tandem oculis lucem reddens, animum Deo,
 Ita migravit è vivis,
 Ut tamen in tumulto vivere videri posset.



REMIGIVS CÆCVS

Cæcis oculos reddit.

DIves eras, factusque tamen de divite pauper,
 Perdere quæ valeas omnia Pauper habet.
 *Cæcus adest poscitque oculos, oculatus abivit,
 Visus at est oculos inde referre tuos.
 Ipse cares oculis, dederas qui lumina cæco,
 Prodigus es, te oculos credo dedisse tuos.

REMI



REMIGIVS EXCITATVM

in Vrbe ignem

Sui corporis expellit objectu.

Vrbem flamma vorat, variis furit excita ventis;
 Est cinerum cumulus, quod decus urbis erat.
 Flammæ quisque fugit, flammæ Remigius ultro
 Increpat, oppositos pellit & vrbe rogos,
 Igneus es, socio cur se non iungeret ignis?
 Totus es in lachrymis, horruit ignis aquas.



Infulata Religio.

HILARIVS PICTAVIENSIS.

Hilarius
 Oppressæ veritatis Hilaritas,
 Hilaratæ securitas,
 Quam vitam semel accepit in Gallia,
 Galliæ non reddidit semel,
 In errorum tenebris, ad meliorem lucem aspirans:
 Dû Philosophiâ, scrutaretur humanâ, Divinâ invenit,
 Errore suo felix,
 Quod perniciose quærens invenisset utilia.
 Nequitiam suam detestatus, ubi primum agnovit,
 Eo citius virtutum iter absolvere satagens,

Quo seriùs inchoaverat;
 Monstri loco cœpit haberi,
 Seu quod sine noxa jam viveret,
 Seu quod sine erroris suspitione doceret.
 Quã unã à Deo, acceperat filiam eidem despondens,
 * Sibi maluit ablatam videre, quam sponso;
 Nunquam visus hilarior,
 Quã cum Dẽum huiusmodi nuptiis sibi fecit affinem.
 A Piãtaviensibus cõtra errorũ Auhores electus in Ducẽ;
 Cum ab hostibus nec tolerari, nec vinci posset,
 Relegatus in Phrygiam, novum solem ab Oriente
 In Occidentem duxit:
 Stylo decertans, cum ultrã voce non posset,
 Quod hostes minarentur appetens, quod pollicerẽtur
 contemnens, his ipsis, qui timeri voluerant cœpit
 esse timendus.
 Ut perditum Principem, æquẽ voce,
 ac moribus cessaret arguere.
 Magis indoluit quod rediret in Patriam quã quod
 Pugnas se pro veritate non reputans, (abiisset;
 Quod non occubisset in pugna.
 Absentiæ suæ damna rependens,
 Laboribus suis beaverat Gallias, autoritate defederat,
 Nisi cœlo pretiosior extitisset,
 Quã ut diutius linqui deberet in terris.



* **A** Bram filiam hortatus ut humano contempro
 A. connubio divinum assumeret, cum quod opta-
 verat impetrasset & Deum rogavit, ut quam eidem
 desponderat filiam, antequam noxa graviore læderet
 Innocentiam in Cœlum raperet. Nec vota refellit e-
 ventus. Filia enim dormientis in morem quievit in
 Domino

Domino. Ipse verò miraculis clarior esse mox cœpit.



E Piscope enim Hæretici, qui ejus sapientiæ, atq;
virtuti pares esse non possent, metuentes ne li-
bertate qua perorabat apud Constantium Cæsarem
eum ab Arianis averteret, authores fuerunt eum ab ex-
ilio revocandi, magis optantes eum Cæsari eripere,
quàm Pictaviensibus reddere.



HILARIVS

Amorem Christi Filia præfert.

VNica virgo tibi, numeri quæ damna rependat,
Unica felicem te facit esse Patrem.

Iam fuerat jungenda viro; cum sponsa Tonanti
Ducitur, affinem te facit illa Deo.

Conjugio veneranda novo, jam debita Cœlo
Astra petit, viduum deserit illa Patrem.

Quid mirer, si dona tibi Deus omnia credat?
Mirer, si socero non daret ista gener.

HILA-



HILARII

Pro Religione Labores.

Quam bene diva tuo facundia sedit in ore;
 Vel Deus est verbis vilis egere tuis,
 Si labat alma fides vario collisa Tyranno,
 Quæ fidei fuerat causa, erat illa tui.
 Sive Deum minuit, Patremque coarctat in unum
 Arius, est studiis obrutus ille tuis.
 Cuncta potes, pendentque tuis ferme omnia votis:
 Quartus an es, Trinum, qui facis esse Deum?

*Infulata Misericordia.*

DONATIVS ARETINVS,

Donati si vitam discutias,
 Deo natum credas esse non mundo.
 Martyrum filius, ut martyr dedicatur à Patre.
 * Æquè martyrem dicas cum patris adesset supplicio,
 Ac cum occumberet suo.
 Sibi relictus, & Deo, quæ præceptorè haberet & patrem
 Ita mores perficere potuit suos,
 Ut dignus videretur, qui etiam perficeret alienos.
 Undequaq; mirandus, quod mortuis vocè daret, & vitâ;
 Cùm

*Cū vitrea vasa cōnecteret, vitreos homines solidaret.
Tenebrarum filius luce displicens sua est detrusus in
tenebras;

Nunquam illustrior quam cum alienā luce careret.

Tyranni tormenta non metuens quod amaret.

Major visus est, quod ea siccis exciperet oculis,

Quam quod imbres siccis exciperet vestibus.

Tandē Deo reddere cupiens quod ab eodē acceperat,
maluit capite carere, quam fide.

*Cū enim Parentum suppliciis interesset puer,
maximē doluit quod iisdem superstes esse coge-
retur.

* Fractum à Barbaris Calicem integrum reddidit Sa-
cerdoti, mortuum revocavit ad vitam, Pluviā impetra-
vit in maxima siccitate, quam tamen cum totam exce-
pisset in agro, siccis tamen semper vestibus fuit.



DONATVS

Suorum miseratus ærumnas

Pluviam impetrat.

Heu Pluvias implorat humus, millenaeque pandit

Guttura, milleno gutture poscit aquas.

Ipse tuas terræ precibus coniungis, & undis

Cuncta madent, solus sub Iove siccus eras.

Astra natare putes fuscumque liquefcere cœlum

Arva tenens sicca veste serenus eras.

Vell lacrymis satis udus adhuc non excipis imbrem,

Vel tuus immensas ebibit ignis aquas?

Donatus



DONATVS

*Sacerdotis lacrymas miseratus
Fractum redintegrat calicem.*

FRactus erat partesque simul contritus in omnes;
Nec poterat mystis utilis esse calix.
Frustra legis, miseri partesque cadaveris apras,
Hæ coeunt; simul est qui fuit ante calix.
Fracta ligare potes, nullo qui frangeris ictu,
Scilicet integritas integra cuncta facit.



Innocentia Infulata.

ALOYSIVS TOLOSANVS.

Aloysius è Rege natus ad Regnum
Nunquam se Regē credidit, nisi cū se subderet sibi,
Mundo jam utilis, cū vix erupisset in Mundum,
In captivi Parentis locum suffectus Puer
Carcerem suum eruditione multiplici Lyceum fecit.
Quò arctius tenebatur in terris,
cò liberius in Cælum evolans,
Optimam mentem nec vinci, nec vinciri posse probavit.
Non ideo Innocentiam minuens, quod ætatē augetet,
Sui Regnum Regno nobilius reputans suo,

Vt

Vt se omnium maximum faceret
 Inter minimos omniū minimus haberi voluit, nō esse.
 Coactus Tolosanis præesse, quandoquidem
 ad imperiura natus erat,
 Nescias an se omnium servum factum crederet,
 An omnium Patrem,
 Vt vitam produceret alienam contrahens suam,
 Meritis addens, quod annis adimeret.
 Virtutum iter cum alius inchoaret absolvit.



ALOYSII INNOCENTIA

Innocentibus Salutaris.

Prodierat, primasque puer captaverat auras,
 Cum misero facta est ultima prima dies.
 Te vocat ægra parens, videat licet illa sepultum,
 Et tumulo vitam, poscit, habetque tuam.
 Servaras puero, tibi quos mors sustulit annos,
 Quid mirer fuerit si tibi vita brevis?



ALOYSII INNOCENTIA

Nocenti utilis.

Occidit hostili suspensus ab Arbore miles,
 Ille tuam moriens usque requirit opem.
 Promptus ades, funemque secas, ter vincula nequunt,
 Ter sensere tuas vincula fracta manus.
 Quæ tibi rapta fuit, Misero iam reddita vita est,
 Illum vis annos vivere, crede, tuos.

Tole.



Tolerantia Infulata.

CLEMENS ANCYRANVS.

Clemente Ancyrano

Nullum virtus defendit æquius, nullū exercuit durius;
 * A Sophia matre Sanctiori Philosophiæ genitus,
 Nulla in se admitrens peccata, omnia puniens
 * Martyr videri potuit, antequam esset.
 Nondum adolescens, iam tamen pauperum Pater,
 Omnibus melior, omnibus præfici meruit;
 Nunquā demissior cæteris, quā cū esse potuisset elatior.
 Dioclesiani furis interceptus,
 Octavum supra vigesimum annum exegit in pœnis.
 Agente Deo, ut quando erat in mundo feritas,
 Quæ omnia infligeret mala,
 Effet & Charitas, quæ omnia & toleraret,
 Sæpe in frustra concisus, nunquam non integer.
 Cum per nulla vulnera nimium ingens animus posset
 Tandem suis redditus (exire,
 Dum hostiam Deo daret, Dei hostia factus.
 Gemina victima, sacrificium una cum vita conclusit.



* S Ophiam sanctissimam feminam matrem habuit
 Clemens, quæ cum prænosceret cum martyre fu-
 turum, vel in fasciis tanquā martyrem venerabatur.
 * Mirum enim erat, quibus se pœnis affligeret, ut se
 gravioribus suppliciis dignum redderet.

CLE-



CLEMENS

Inter Sacrificia occiditur.

DVm sacra fidereo faceres libamina Regi
 Cæderis, & minio pingitur ara tuo.
 Victima eras longos nimium contrusa per annos,
 Non alio decuit te cecidisse loco.



CLEMENTIS

*In suppliciorum diuturnitate
 Tolerantia.*

TE prope ter denos lictor vexaverat annos,
 Fessus erat curis mundus uterque tuis.
 Non tamen ulla tuos videt inclementia luctus,
 Aut potis est duros ore ciere sonos.
 Indita quanta tibi clementia; nulla tyrannis,
 Nulla aliis superest; nam data roga tibi.

Pro-



Providentia Infulata.

MAXIMVS TAVRINENSIS.

Maximus Taurinensis,
 Capacissimi mensuram nominis factis ex æquans.
 Se etiam in minimis maximum fecit.
 Magnitudine sua omnium oculis proditus.
 Nunquam se maximum doluit,
 Nisi cum omnium minimus esse non posset,
 Ideo se maximum negans, quod adhuc majorē faceret,
 Dignam magnitudine sua sedē dignē potuit occupare.
 Ingenii claritatem Eloquii nitore componens,
 Virumque, innocentiae candore perfecit.
 Æquē in dicendo fugiens, ac in agendo peccata,
 Urbem suam Augustam, si non invenisset effecerat.
 Tandem cum Cœlitum vitā transtulisset in terras,
 Dignus visus est qui transferretur in cœlum.
 Beata Civitas, quæ talē habueris, beatior quæ merueris,
 Beatissima, quod semel amissum,
 In Antonio Provana recuperes.



Eloquentissimus enim extitit, ut ex iis, quæ scrip-
 sit. constare potest. Cæterum cum minus nota
 sint ejusdem præclara facinora, hinc est, ut Elogium
 penè ex ipso nomine deduxerimus.



MAXIMI PROVIDENTIA

*Maximum Taurinensibus impetrat
Præsulem Antonium Provanam.*

Maximus alter adest similem dat maximus alter,
Authores produnt maxima dona suos,
Maxime, si pergis tales dare, Maximus ut sis,
Vix poteris donis non minor esse tuis.



MAXIMI ERGA TAVRI- NENSES

Providentia Singularis.

PAr tibi nomen habes, tantum capit omnia nomen,
Sed dare si pergas maxima, major eris.
Alter erit, tu qualis eras, quàm maximus es tu?
Ni dederas alios, Maxime, solus eras.

Insulata



Insulata Remissio.
ANSELMVS CANTVARIEN.

Anselmum, Augustæ Prætoriz cœlum dedit,
 Cœlo Angliam reddidit.

A vitiis ætatem exorsus in virtute confecit,
 Miserādus, quod ita cœperit, mirādus quod ita desierit.

* Sæpè cum Patre vexatus, sæpius secum
 Equè nescius quid eligeret, ac quid opraret,
 Tandem mores unà cum solo mutavit.

Eò velocius virtutis iter emensus,
 Quò se à meta noverat remotiorem.
 E cœnobio vocatus ad insulas,


Nescias an monachi partes acuratiùs impleverit,
 An Episcopi. (lactare.

Regis perfidiã utiliter carpere malens, quàm pernitiøsè
 Pacem non amans, quæ cum æquitate pugnaret.
 Minus foelix esse maluit, quàm minùs fortis videri.

Iterum revocatus, iterum pulsus,

* Regis duritiem duritie molliit sua.

Immortalitatem, & stylo, & virtute promeritus,
 Oppressam angustiis vitam cum meliore mutavit.



* **O**B crebra cum Patre jurgia disciplinz impatiens
 secessit in Gallias, ubi Christi militiz nomen
 dedit.

Constantia enim Anselmi factum est, ut Rex im-
 pius errorem agnoscens malè cœpta damnaret.

ANg.



ANSELMI


Demissionem referentis Imago.

Cernite depressos arcana in pectora vultus,
 Pectore nobilius nil videt ille suo.
 His levior fuerit quondam cum visus in oris,
 Quæ tunc intulerat damna pudore luit.



De eadem imagine.

Pectore fixa manus medio; se despicit ore.
 Quod servant pectus Lumina, dextra premit.
 Ille suas cum servet adhuc sub pectore Gazas
 Quàm bene custodem fecimus esse manum.



Infulata Pietas.

MAVRILIUS
ANDEGAVENSIS.

- * Maurilii si Patrem spectes, aut Patriam
 Vix credas nasci nobilius potuisse;
 Si vitam speculeris, ac mortem,
 Dubites an potuerit vivere sanctior; an obire securior.
 Felix quod Ambrosium, ac Martinum audierit,
 Felicior quod expresserit,
 Profectus in Gallias, ut novum daret Gallus Thau-
 Eas & prodigiis illustravit, & meritis. (maturgu,
 Cum æq; ille omnibus, ac illi omnes subesse percipe-
 Se uno gemente factus Antistes, (reus
 Auxit unà cum dignitate Prodigia.
 Peccata detestatus ubi erant, metuens ubi non erant.
 * Cum in se certa punire nequiret, dubia punit,
 Sui nimium rigidus Censor,
 Quod totam lenitatem suam servaret aliis.
 Ab exilio, quo se ipse multaverat prodigio revocatus,
 * Cum jam septennium mortuos revocaret è tumulis,
 Homo esse desit, quod jam Deus esse cœpisset.

Patria Mediolanensis extitit, quæ Vrbs dicta est
olim altera Roma; genere vero Patricius, & è pri-
ma nobilitate.

DVm sacra Deo faceret, vocatus à femina, ut mo-
rientem puerum sacro chrismate initiaret, supe-
rùm deliciis delibutus, seriùs adfuit, quàm ut femi-
næ vota compleret; jam enim obierat puer. Hac de
causa fugit à suis, certus nunquam redire, nisi Puerum
sibi redderet Deus. Post septennium inventus, iterum
rediens, puerum etiam reddidit vitæ.

MAVRILII CVLPÆ

Quales.

Te monet ægra Parēs; moriens tibi puppulus adstat,
At superi sensus detinuere tuos.

Puppus obit, te noxa movet; fugis exul ab urbe,

Cum puero, requies est quoque rapta tibi.

Qualis erat tibi vita; Hominum quā impervia noxis?

Si quoque cum superis sistere culpa fuit.



MAVRILII

*In Puerum mortuum charitas
singularis.*

PVppus obit, nec noxa tua est; facis ipse, fugam-
 Arripis; Exul & es legibus ipse tuis. (que
 Te revocant superi; tibi sed ni stamina reddant,
 Quæ fuerant Pueri fracta, redire negas.
 Iam cinis est, septemque puer jacet obrutus annos,
 Vita tamen puero te redeunte redit.
 Si tibi sic superi placeant, refugumque reducant,
 Ut redeant alii; sæpe fugandus eris.


Pænitentia Infulata.

FVLGENTIVS RVSPENSIS

Fulgentium

Nescies an ex fulgure, an ex fulgore deducas,
 Fulgoribus suis bonos attrahens, malos exterrens,
 Fulgere cum nunquam desierit,
 Sæpe non desit fulgurare.
 In Africa natus novum ex Africa monstrum eduxit,
 Hominem videlicet,
 In quo nihil humanum aspiceres, nihil ferum.

In

In Christi domo malens inquilinus esse,
 Quàm in sua dominus,
 Inter monachos ac inter Episcopos docuit,
 Omnia virtutem agere,
 Omnia posse etiam tolerare.
 In Sardiniam relegatus,
 Quod gemini solis ardores Africa pati non posset,
 Cum se antequam pelleretur exulem crederet,
 Mutavit exilium; Patriam non amisit.
 Ruspensibus redditus,
 Ut omnes sibi similes faceret se nulli dissimile fingens,
 Immortalitatem & sibi acquisivit, & suis.



FVLGENTIVS.

In Exilio.

Fulgur es, horret adhuc tua nempe tonitrua miles
 Barbarus; es fulgor, quem quoque cæcus amet.
 Cur tamen externas jam te vomit Africa in oras?
 Non potuit Soles Africa ferre duos.



FVLGENTII IN EXILIO

Pœnitentia.

Vix te ferre potes, nequit quem ferre Tyrannus,
 Te premit ille odiis, te premis ipse flagris.
 Quæ tibi non faciant alii facis ipse, tuique,
 Ut dominus possis esse, Tyrannus eris.

Fides



Fides Infulata.
APOLLINARIS.

Apollinaris

Ita sub Petro Præceptore profecit,
 Ut alterum penè crederes Petrum.
 Umbra igitur Petri cum esset,
 Quidni omnia pelleret mala?
 Cæcorum aperiens oculos,
 Cum tamen videri minimum veller,
 Veritatis lucem & oculis instillavit, & animis,
 Senes bene mori docens, pueros optimè vivere.
 Cum messem suam Ravenna non caperet,
 Sæpe pulsatus, & pulsus, ignem calcare non horruit.
 Eam expertus in igne Clementiam,
 Quam omnes experirentur in ipso.
 In Etruriam à muto vocatus
 Et linguam dedit, & reddidit mentem.
 Nāquam facundior,
 Quam cum mutos faceret vel tacendo facundos.
 Prodigis proditus suis cum se nulli curaret prodere,
 Mortuos excitans, ut bene doceret vivere,
 Nullo victus supplicio, quod omnia sperneret,
 Æquè se fortem exhibuit, ac Nero ferum.
 Mari commissus
 Ut in omni elemento suum robur imprimere.
 Acerbius jactatus in terris, quàm fuisset in mari,
 Lictores quos fatigaverat in Italia,
 Sanguine suo satiavit in Thracia.

APO.



APOLLINARIS FIDES

Mortuos excitat.

D Elitet exanimis gelidâ conclusus in urna;
Iam cinis est, flammâ sed dabit iste cinis.
Ipse vocas, primumque jubes remeare sub axem,
Excitus ad voces profilit inde tuas.

Quid mirer, repetant accita cadavera vitam?
Hoc ego plus mirer, te quoque posse mori.



APOLLINARIS FIDES

Omnibus salutaris.

S i loqueris das cæco oculos, ægrôque salutem,
Quanta tamen pateris, dum quoque tanta facis;
Cuneta potes tolerare, potes quoque tollere; sed te
Tollere vulgus amat, nec tolerare potest.

Plura potes tolerare tamen, quàm tollere; vulgi
Nempe odium toleras, tollere & usque nequis.

FINIS.

APOLLINARIS INDEX

APOLLINARIS INDEX

APOLLINARIS INDEX

APOLLINARIS INDEX

APOLLINARIS INDEX

APOLLINARIS INDEX

APOLLINARIS INDEX

APOLLINARIS INDEX

APOLLINARIS INDEX

C 23917 +
69660 .

SL

PHOTOSTAT FACSIMILE

REPRODUCED FROM THE COPY IN THE

HENRY E. HUNTINGTON LIBRARY

FOR REFERENCE ONLY. NOT FOR REPRODUCTION